

KU HLAYISIWA ¹

 Kunene, swi hi ntoloveloo, tani hi laha ndzi vuleke eku sunguleni, “Ndzi tsakile loko va te ka mina, ‘A hi yeni e ndlwini ya Hosi.’” Ndza pfumela leswaku Davhida u endlile xitatamente xexo kan’we, “A hi yeni e ndlwini ya Hosi.” A ndzi tivi ndhawu yin’wana yo antswa laha hi nga yaka kona, ma yi tiva, ku tlula e ndlwini ya Hosi.

² Sweswi, madyambu lawa, hi ni vanghana lahawani lava va humaka eGeorgia. Kumbexani va ta chayela va famba endzhaku ka—endzhaku ka lanchi madyambu lawa. Kutani nakona hi ta... Van’wana va vona va huma ehansi, ndza pfumela mi tshama kona. Kutani tikamara leti hi nga na tona ti pfuleriwe n’wina.

³ Kutani hi madyambu ya Ravunharhu hi taya emahlweni ni, ni ku dyondza, kutani loko, Hosi yi swi rhandza, Sonto lowu takaa nakambe.

⁴ Kutani Chautauqua yi ta sungula hi tisikisi. Swingaleswi hinkwenu n’wina mi nga na swivandla leswi kunguhatiweke, hi languterile nkarhi, lowukulu wa kahle eChautauqua. Kwalahaya hi laha minkarhi yo tala hi vaka ni nkarhi wa lowo wa kahle. A ku ni mintlawu leyikulu ngopfu, nkarhi wun’wana hi rhangela... Wu va kwalomu ka... Nkarhi wun’wana hi kota ku nghanisa khume ra magidi eka wona, hiku olova. Kambe, hi ntoloveloo, n’waxemu ndza ehleketa a hi ri ni kwalomu ka nkombo wa magidi, swin’wana swo fana ni sweswo. A kuri ni ndhawu yo pakela kona, kambe ku ni ndhawu yo tala yo yima kona. Kutani ni switulu leswi swi nga humeseriwela ehandle. Kutani hi langutele ku ya emahlweni ni sweswo.

⁵ Kutani hi tsakile ku vona va makwerhu va hina va tiministara va ri kona. A ndza ha ehleketi hi vito ra yena lahawani, i wa mixinari, Makwerhu Humes na Sesi Humes, hi n’wina mi nga tshama lahawani, ni va tsongwana, hi tsakile ku va na vona, i wa mixinari. Van’wana, Makwerhu Pat, Makwerhu Daulton, na, oho, ntsena va tele, Makwerhu Beeler. Kutani ndzi vomile Makwerhu Collins ntsena eka xinkadyana lexi hundzeke. Kutani, oho, swi ta tika ku va hlaya hinkwavo ka vona. Kambe hi tsakela ku va na n’wina endlwini ya Hosi namuntlha. Makwerhu Neville loyi wo saseka wa kahle a nga tshama endzhaku ka mina lahawani u ta khongela na mina loko ha ha haya eku dyondziseni ka Rito. Charlie, hi tsakile ku ku vona na Sesi Nellie lahawani emadyambyini lawa, ni va tsongwana. Leswi i... kutani ku dyondzisa ka Bibele hi ntoloveloo i ku... Ina, Makwerhu Welch, ntsena a ndzi... ri eku languteni ka wena, ndza ku vona sweswi u tshamile endzhaku lahaya sweswi.

⁶ Ku dyondzisa ka Bibebe hi ntoloveloo swi na moyaa nyana wo xenga, wu ntsongo, maswitiva, maendlelo yo famba e ayisini yo lala, hi swi vitanisa xiswona. Kambe ntsena hi ti twela sweswo leswaku kumbexani, eka mhaka leyi nile ka lowu nkarhi, swi nga hava swiri kahle eka maendlelo yo tisa kereke eka—eka leswi ndzi swi ehleketa, ku ya e—e ka ku twisia loku hetisekeke, loku nga tshamiseka, eka leswi hi nga eka Kreste Yesu. Kutani nkarhi wun'wana ndzi ehleketa leswaku ku chumayela i nchumu wun'wana wa kahle swinene, kambe ndza pfumela leswaku nkarhi wun'wana, Makwerhu Beeler, ku dyondzisa kwaloko kuya etlhelo ka sweswo, swi hi maendlelo...ya kereke ngopfu-ngopfu.

Sweswi, nkarhi wun'wana nchumayilo wu khumbha mudyohi, wu n'wi tisa ehansi ka ku soriwa hi Rito. Kambe ku dyondzisa ku veka munhu endhawini leyi a nga eka yona. Kutani hi ngaka hi nga swi koti ku va ni ripfumelo ku fikela laha hi tivaka laha hi nga yima kona.

⁷ Sweswi, loko United States, tiko lerinene lahawani, ri ndzi rhumela eRussia, tani hi tuyimeri wa tiko leri, eRussia, kutani loko va ndzi rhumerile ximfumu ku ya eRussia, hinkwawo matimba lawa United States yi nga na wona ya le ka mina. Rito ra mina ntsena ra fana ni ra United States, loko ntsena ndzi hlaiwa tani hi tuyimeri.

⁸ Kutani ni loko Xikwembu xi hi rhumile leswaku hiva vayimeri va Xona, hinkwawo matimba lawa ya nga eMatilweni, hinkwaswo leswi Xikwembu xi nga xiswona, hinkwato Tintsumi ta Xona ni matimba hi nkawalo ya Xona mayima endzhaku ka marito ya hina loko hi ri ni ntiyiso ni kuva hi hlawuriwile, ku rhumela va rhumiwa evanhwini. Xikwembu xi fanele ku xixima Rito, hikuva Xi swi tsarile hi xichavo, leswaku “Leswi mi swi bohaka emisaveni, Ndzi ta swi boha nale Matilweni. Leswi mi nga ta swi chucha emisaveni, Ndzi ta swi chucha nile Matilweni. Kutani Ndzi mi nyika swikhya swale Mfun'weni.” Oho, i switshembhiso swa kahle njhani leswi A swi nyikaka kereke!

⁹ Kutani na mina, endzhaku ka siku rin'wana...Vunyingi bya n'wina, ndza ringanyeta, a mi ri lahawani mixo lowu ku ta yingisela tani hi laha ndza ha ringetaka ku hlamusela, hi ku titsongahata ka mina, hi ndlela yo olova, ku hlamusela xi—xi xivono lexi ndzi xi voneke xa Matilo.

¹⁰ Ku hava lexi ndzi nga xi kanakanaka eka lexi u'nwana ni un'wana a nga ndzi byelaka leswi Xikwembu xi va byeleke. Ndzi ta swi pfumela hambi loko ndzi nga swivonanga eMatsalweni, ndzi ta tshama ndza ha pfumela rito lero ra makwerhu. Swa antswa ndzi—ndzi tshama kahle kun'we ni Bibebe, kambe hambi swiritano ndzi ta tshama ndza ha pfumela sweswo kumbexani makwerhu a nga hava a nga swi twisisanga

kahle hi ndlela yin'wana, leswaku swi nga ha endleka a swi hlanganisile nyana swintsongo. Kambe ndzi ta tshama ndza ha n'wi pfumela leswaku wa—wa hari makwerhu wa mina.

¹¹ Kutani loko kuri ni swin'wana leswi swi tshwaka embilwini ya mina, kutani ndza tshembha leswaku a swi nge hanyi eka malembe ya mina lawa ya taka, leswaku ndzi ngaka ndzi nga rivali leswi humeleleke hi Sonto lowu hundzeke ni mixo, laha a kuri evhikini. Ri endlile swin'wana eka mina laha rihundzuluxeke vutomi bya mina. A—a ndzi chavi. A—a ndzi chavi hambi kuri ku chava kun'we ka rifu. Rifu a ri chavisi eka hinkwaswo. Kutani a hi—hi ra n'wina loko ntsena mi nga twisia. Sweswi, kumbexani loko . . . Mi fanele ku va ni ntokoto wo switiva, hikuva ku hava ndlela yo swi hlamusela. A mi nge ma kumi marito, hikuva a ma kona eka dikixinari ya Xinghezi, kumbe kuri hava dikixinari yin'wana, hikuva swi hi laha ku nga Heriki; a ku na tolo, a ku na mundzuku, hinkwaswo swile ka nkarhi wa sweswi. Kutani a swile ka "ndzi titwa kahle," kutani awara ku sukela sweswi, "a ndzi ti twi kahle," kutani eka yin'wana awara, "ndzi ti twa kahle nakambe." Swi hi minkarhi ya sweswi nkarhi hinkwawo. Wa vona? A swi kalanga swi hundza, ntsena ku rhula kwaloko ko kwetsima, ni swin'wana.

¹² Kutani lahaya a ku nge hevi na vudyoho, a ku nge hevi na mavondzo, a ku nge hevi na mavabyi, lahaya—lahaya a ku nge hevi hambi ku fikelela ribuwu leri ra le Matilweni. Kutani loko ndzi ngava ni nkateko wa ku vula leswi, laha, kumbe ndzi nga vi na wona. Loko ndzi ngavi na wona, swingaleswi ndzi khongela Xikwembu leswaku xi ndzi rivalela. Kambe loko ndzi va ni nkateko, kutani kuri Xikwembu xexo xi ndzi pfumelelaka ku vutleriwa ehenhla kuya vona swin'wana, ndzi ta kongomisa eka Matilo yo sungula. Kutani ndzi pfumela, un'we eBibeleni, hi vito ra, ndza pfumela leswaku akuri Paul, loyi a nga kumeka eka Matilo ya vunharhu. Kutani loko kuri ku kwetsima loku eka Matilo yo sungula, xana Matilo lawa ya vunharhu ma khome yini? A swi hamarisi loko a nga vulavuli hi rona ku ringana khume mune wa malembe! A ku a nga switivi leswaku u le mirini kumbe ehandle ka miri. Ni vuapostola byebyo lebyikulu, ku nga ri ku avelana ka hofisi ya—ya—ya yena, kumbe ku nga ri ku ringeta ku ti endla swin'wana leswi a ri xi swona, kambe ndzi nga ha vula na yena, a ndzi tivi loko ndzi ri eka miri lowu kumbe ehandle ka wona. Nchumu wun'we ntsena, a ri ri ra ntiyiso ku kotisa loko ndzi languta n'wina.

¹³ Kutani minkarhi hinkwayo a ndzi hlamala loko ndzi hundza hile kusuhi kutani ndzi vona xipapani xiri karhi xi papamala ekusuhi, moyo, wu ku, "Lahaya ku famba buti na sesi, valavo i Charlie na Nellie. Valava i Buti na Sesi Spencer va fambaka lahaya." Sweswo minkarhi hinkwayo a swi ndzi kanakanisa. Loko mahlo ya mina ya ri esirheni, ya

mbundzumuka, ya bola, loko tindleve ta mina ti nga ha ri kona lahawani ti nga ha twi nakambe, kutani loko ngati ya mina hinkwayo yi fambile yi tlhelela endzhaku ku ya hlayisiwa, kutani yi ri ematini kumbe emisaveni, kutani ni maendlelo ya miehleketo, minsiba ya mina ya byongo yi fambile hinkwayo, swingaleswi xana ndzi nga va yini swin'wana ku tlula moyan tsena lowu wu papamalaka hinkwako xana? Kutani sweswo swi ndzi vilerisile. Ndzi nga swi rhandza njhani ku vula leswaku, "Xewani, Makwerhu Pat, oho, ndzi tsake ngopfu ku ku vona! Xewani, Makwerhu Neville, ndzi swi tsakela njhani ku ku vona!" Kambe ndzi ehleketa, "Kunene, loko ndzi ri hava nchumu lowu nga swivonaka, nomo wun'wana lowu nga swi vulaka, swi borile, swi ri tshuri, xana ndzi nga swivula njhani kuri, 'Xewani, Makwerhu Pat,' 'Xewani, Makwerhu Neville,' kumbe kuya emahlweni, 'Yhaa, Charlie'?"

¹⁴ Kambe ndza swi tiva leswaku sweswo swi hoxekile. Hikuva swi tsariwile eMatsalweni, leswi ndzi swivulaka a swi hambani na wona, "Loko tabernakele leyi ya laha misaveni yi n'oka, hi na yin'wana leyi ku nga khale yi hi rindzerile," tabernakele yin'wana leyi nga ni mahlo, tindleve, milomo, maendlelo ya miehleketo. "Loko tabernakele leyi ya laha misaveni yi ta n'oka!" I mirhi lowu ndzi nga ta wu twa, wu nga ta vulavula.

¹⁵ Kutani sweswi swi ta eka mina, ntsena sweswi, leswaku Muxe yaloye u file eka sirha leri nga tivikiki ku ringana nhungu wa madzana ya malembe, kutani Elixa u yile eMatilweni ku ringana ntshanu wa madzana wa malembe swi nga se va kona, kambe eka Ntshava ya Nkwetsimo va kumekile vari karhi va vulavula na Yesu.

¹⁶ Endzhaku ka loko Samuel a file ku ringana malembe manharhu kuya eka ntshanu, kutani noyi wale Andor wa xisati u n'wi vitanile, kutani a wela exikandzeni xa yena, hiloko a ku, "U ndzi xisile, hikuva hi wena Saul, wena hi wexe." A ku, "Hikuva ndzi vona swikwembu!" A ri muhedeni, maswivona. "Ndzi vona swikwembu swi pfuka."

¹⁷ Kutani Saul a nga swi koti ku n'wi vona hambi swiritano, hiloko a ku, "Xana u languteka ku fana na yini? Ndzi hlamuseli ha yena."

A ku, "U larile, kutani u na mendlele ekatleni ra yena."

¹⁸ A ku, "Yaloye i Samuel, wa muprofeta, n'wi tisi haleno emahlweni ka mina." Ndzi mi lava leswaku mi lemuka leswaku Samuel a nga kalanga a lahlekeriwa hi yumunhu byi n'wana bya yena. A ha ri muprofeta, u byerile Saul leswi swi nga ta humeleta hi siku leri landzelaka.

¹⁹ Swingaleswi, maswivona, rifu hi ku hetiseka a ri hunguteki eka hina tani hi loko hi rila ni ku ba mukhosni ku kolola emasirheni. Ntsena ri ncinka ndhawu ya hina laha hi tshamaka kona. Ri hi teka ku suka endhawini ku ya... Xana xiyimo i

yini? Loko ndzi nga ha hanya awara yin'wana, ndzi nga ha hanya ku tlula munhu wa khume ntsevu wa malembe hi vukhale, ndzi nga ha tlula munhu wa ntlhanu wa malembe hi vukhale. Xiyimo a xi nchumu. Ntsena hi rhumeriwile lahawani hi xikongomelo, ku ta endla swin'wana.

²⁰ Kunene, sweswi, vunyingi bya swikandza leswi swintsongo swo saseka swa vamanana lava nga tshama lahawani, van'wana va vona va na makume ntsevu kumbe makume nkombo wa malembe hi vukhlale, va nga ha ku, "Kunene, xana ndzi endlile yini, Makwerhu Branham?" U kurisile vana va wena. U endlile leswi a wu fanerile ku swi endla.

²¹ Kumbe Papa un'wana wa mudyuharhi a tshameke lahawani, a ku, "Kunene, ndzi rimile masimu, ndzi endlile *leswi*. A ndzi kalanga ndzi chumayela." Kambe u endlile leswi Xikwembu xi nga ku rhumela swona leswaku u ta swi endla. Kuni ndzhawu ya wena.

²² Ndzi vulavurile ni mudyuhari wa dokodela, tolo, un'wana wa vanghana va mina va madokodela, tichomi, makume nhungu ni swin'wana wa malembe hi vukhale. Kutani sivara wa yena wa xisati u kwalahawani madyambu lawa, kutani a vilela nyana swintsongo, swintsongo ha yena. Kutani ndzi yile ndzi ya n'wi vona. Kutani tani hi loko ndzi sungula ku vulavula na yena, u pfulekile mahlo, a ndzi byela hi marendzo mo hlota lawa a ya tekele malembe yo tala lawa ya hundzeke eColorado, tiko leri ndzi hloteke eka rona. Ntsena a tlharihile a tlhela axa! Hi loko ndzi ku, "Dokodela, xana a wu titoloveta nkarhi wo tani hi kwihi?"

²³ A ku, "Loko wa ha nesiwa." Kutani ndzi ku... "Kutani minkarhi yo tala," a ku, "Ndzi titolovetile, a ndzi teka bege ya mina, ndzi vekela xitshamo xa mina ehenhleni ka hanci ya mina. Ndzi hakarha xibekana xa mina ndzi famba."

²⁴ Kutani ndzi ku, "Ina, ku rhelela hi ribuwa ra xinkobyana, hi awara ya mbirhi ni mixo, ni rivoni ra wena ro hatima, ndzi ri karhi ndzi ringeta ku kuma hanci laha xihlangi a xa hari ekwirini kumbe manana ari eka switlhavi."

"Hi swona sweswo."

²⁵ Kutani ndzi ku, "Waswitiva, dokodela, ndza pfumela, ku tsemekanya ndzelekano lowu lahawani, exikarhi ka leswi swi helaka ni leswi swi nga heriki, Xikwembu xi ni ndhawu ya vadokodela va kahle lava va dyuhaleke lava va tirheleke hi ndlela ya leyo."

²⁶ Mihloti leyikulu yi huma hile matihlweni ya yena a sungula ku rila, a tlakusa mavoko ya yena lawa ya chavisaka a ku, "Makwerhu, ndzi tshembha tano." Ku rhendzeleka hi misava, Xikwembu xi avanyisa moywa munhu, hi leswi a nga xiswona.

²⁷ Kutani ndzi n'wi nyika Matsalwa lawa ya enetisaka. Minkarhi yo tala, ndzi bondlomela eka ridaka leri ra ntima ra masimu ni yusiku, ku ringeta ku pfuna un'wana, kumbexani ni nga kumi na peni eka swona, kambe hinkwaswo swi kahle. Ndzi ku, "Yesu u teri eka Matsalwa, 'Ku katekile loyi a nga ni tintswalo, hikuva va ta kuma tintswalo.'" Kutani walowo i ntiyiso.

²⁸ Kutani emadyambyini lawa hi lava ku tshamisia kereke, eka tidyondzo leti tinhарhu, loko Xikwembuxi xi swi pfumelela, leswi hi nga ta swi endlisa xiswona ni leswi hi nga ta swi langutisisa xiswona, leswi hi nga xiswona. Hi ta sungula hi ku avanyisa ka vul ka Buku ya papila ra Paul ro ya eka va-Efesa. Kutani hi ya eku tekeni ka mapapila manharhu yo sungula eka ku dyondza ka hina ku nharhu loku ku nga ta landzela, ku ringeta ku kuma papila ra madyambu, loko hi nga swikota. Madyambu lawa, Ravunharhu, ni Sonto lowu wu taka ni mixo. Va-Efesa, papila ra vul. Sweswi tani hiloko ha ha hlaya kun'we, ndzi rhandza ku vula leswi, leswaku Buku leyi ya va-Efesa hiku hetiseka yi fambelana swinene ni Testamente ya Khale ya Joshuwa. Va-Efesa, Buku ya va-Efesa.

²⁹ Sweswi, tsundzukani, loko hi kumeka hi humile nyana, eka madyondziselo ya n'wina, ntsena hi rivaleleni kutani mi va na hina nyana swintsongo. Hi nga se yi pfula, a hi Xi kombeleni leswaku xi hi pfuna, tani hiloko ha ha korhamisa tinhloko ta hina.

³⁰ Hosi, hi tshunelela Ntsalo wa Wena wo kwetsima, laha Wu nga xisirhelelo kutlula matilo hinkwawo ni misava. Tani hilaha hi hlarraya eka Rito leri, hi ri vitanaka Bibele, leswaku "Havumbirhi matilo ni misava swi ta hundza, kambe Rito ra Mina ri ngaka ri nga hundzi." Swingaleswi, ehenhleni ka awara leyi ya xidzuniso leyi ndzi taka eka phulphiti leyi madyambu lawa, emahlweni ka nxavo wa Ngati ya Wena, varhandziwa lava va nga ni makumu lava va tshameke lahawani madyambu lawa, va khomelelaka eka ku tshembha kun'wana ni kun'wana loku ntsongo loko va nga ku kotaka, ku khomelela eka Rivoni lero leri ri nga ta ta. Leswaku swi nga ha va leswi swi ringanelaka, madyambu lawa, leswaku mupfumeri un'wana ni un'wana a nga ha vona xiyimo xa yena, ni un'wana ni un'wana loyi a nga se taka eka vunakulobye lebyikulu lebyiwani, a nga ha tshikelela Mfumo, Hosi, kutani a gongondza enyangweni kufikela laha Murindzi a pfulaka nyangwa. Hi nyike swona, Hosi.

³¹ Hi hlarraya lahawani laha Bibele leyi yi nga riki ni ku tolokeriwa kun'wana ka xihundla. Xikwembu, sivela leswaku mina nandza wa Wena kumbe nandza un'wani a nga kali a vekela tinhlamuselo leti ti nga ta vona eka Rito. Hi pfumeleli hi Ri hlarraya nikru Ri pfumela ntsena, hi ndlela leyi Ri nga tsarisiwa xiswona. Kutani hina ngopfu varisi va vanhu, hina

vafundhisi laha siku rin'wana hi nga ta hlengaletana lahaya eka Tiko lero ro kwetsima ni vanhu lava ntsongo, kutani hi ta yima eVukoneni bya Hosi Yesu kutani hi ta vona rixaka lero ri ta, ra Paul, ni ra Petro, ni ra Luka, na Marka, na Matewu, ni hinkwavo ka vona, kutani hi va vona lahaya va avanyisiwa ni mintlawa ya vona. Xikwembu, hi nyike sweswo leswaku ndzi nga ha vekela mamiliyon i ya khume ya titrofi emilengeni ya Wena loko ndza ha kasa hi ku titsongahata hinkwako niku tlhandleka mavoko ya mina ehenhleni ka minkondzo yo saseka ya Wena, ni ku, "Hosi, i va Wena."

³² O Xikwembu, hi tati hiku teng ka Moya wa Wena, ni hi rirhandzu ra Wena ni vunene bya Wena. Kutani hi nga ha, tani hi muphati a nga swi tokota eka risimu emalembeni yo hlaya lawa ya hundzeke, "Eka Xinyimpfana lexi xi faka, Ngati ya Xona yi ngaka yi nga heli matimba, kufikela laha Kereke leyi kutsuriweke ya Xikwembu yi ponisiwaka evudyoheni yi nga ha dyohi nakambe. Hambi ku tshame kuva kona, hi ripfumelo, ndzi vonile xinkobyana xexo xa ku phakela ka ku khuluka ka ku vaviseka ka Wena; rirhandzu leri ri kutsulaka a kuri xikongomelo xa mina, kutani ri tava tano kufikela laha ndzi faka. Kutani eka nghanakana, risimu ro tsokombela," u ya emahlweni a ku, "Ndzi ta yimbelela matimba ya Wena yo ponisa; loko xisiwana lexi xa milomo leyi khomanaka, ririm i ra manghanghamelo ri tshama ri miyerile esirheni." Manuku, sirha ari khomi rifu ra vana va Wena. Ro va ntsena ndhawu ya vuwiselo, kumbe ndhawu ya vutumbelo, laha ku bola loku ku nga tava laha ku nga ha boriki.

³³ Leswaku madyambu lawa hi nga ha vona leswi, Hosi, erivaleni, tani hilaha hi nga nyikiwa swona eRitweni. Hi nyike ku twisisa. Kutani hi veki, Hosi, entirhwени wa hina wa nfanelo, leswaku hi nga ha kota kutirhela hi ku tshembheka kufikela laha U vuyaka. Ha swi kombela leswi hi Vito ra Yesu, ni hikokwalaho ka Yena. Amen.

³⁴ Sweswi, Buku ya va-Efesa, tani hilaha a ndzi ri eku vuleni, mina...hi mavonele ya mina, hi yin'wana ya Tibuku letikulukumba ngopfu ta Testamente Leyintshwa. Yi hi tshika, laha vu-Calvinism byi tsutsumaka hi xirho xin'we, kutani ni vu-Arminianism byi tsutsuma hi lexin'wana xirho, kambe Buku ya va-Efesa yi swi tshuneta kun'we niku veka Kereke eka ndhawu ya yona.

³⁵ Sweswi, ndzi swi xakahatile kun'we na Joshuwa. Loko mi nga swi xiyisisa, Israel ri humesiwile eEgipta, nakona ku ni swiyenge swinharhu swa rendzo ra vona. Xiyenge xo sungula, a kuri ku huma eEgipta. Xiyenge lexi landzelaka, a kuri xale mananga. Nakona lexi xi landzelaka xiyenge, a kuri Kanana.

³⁶ Sweswi, Kanana a yi yimeli nguva ya Miliniyamu. Ntsena yi yimela nguva ya ku hlula, ku hangalaka ka ku hlula, hikuva eKanana va dlayile niku hisa niku teka madoroba. Kutani a ku ngevi na rifu eka Miliniyamu.

³⁷ Kambe nchumu wun'wana lowu ri swi endlaka, ri tisa ku lulama hi ripfumelo, endzhaku kaloko va tava va pfumerile eka Muxe niku siya Egupta. Va kwetsimisiwa, va landzelela ehansi ka Langavi ra Ndzilo niku basisiwa hi gandzelo ra xinyimpfana emananga. Kutani ku ngheniwa etikweni leri tshembhisiweke.

³⁸ Sweswi, xana hi rihi tiko leri ri tshembhisiweke vapfumeri va Testamente Leyintshwa xana? Xitshembhiso i Moya wo Kwetsima. "Hikuva swi ta humelela emasikwini ya makumu," Joel 2:28, "leswaku Ndzi ta chela Moya wa Mina enyameni hinkwayo. Vana va n'wina va xinuna ni vaxisati va ta profeta. Nile henhla ka malandza ya Mina ya xinuna ni malandza ya Mina ya xisati ndzi ta chela Moya wa Mina, kutani va ta profeta. Kutani Ndzi ta endla masingita ehenhla ematilweni. Nile misaveni, malangavi ya ndzilo, ni musi, ni hunguva ya musi." Kutani Petro a ku, hi Siku ra Pentekosta, endzhaku kaloko a tekile tsalwa ra yena a chumayerile, "Hundzukani, un'wana ni un'wana wa n'wina, kutani mi khuvuriwa hi Vito ra Yesu Kreste eku khomeriweni," ku khomeriwa, i ku rivaleriwa, ku susa vudyoho hinkwabyo.

³⁹ Mikale mi swi xiyisisa, Joshuwa, va nge se tsemekanya Jordan, Joshuwa u teri, "Fambani exikarhi ka mixaxa mi ya basisa swi ambalo swa n'wina mitlhela mi kwetsimisana, kutani mi nga tshuki mi pfumelela wanuna ku ya eka nsati wa yena, hikuva ku nga se hela masiku manharhu mi ta vona ku Kwetsima ka Xikwembu." Wa vona? Swi hi—swi hi maendlelo ya ku tilulamisela ku dya ndzhaka ya xitshembhiso. Sweswi, xitshembhiso eka Israel, a kuri leswaku, Xikwembu xi nyikile Abraham xitshembhiso xa tiko, ra Palestina, nakona kutava kuri rifuwo ra vona hilaha ku nga heriki. Kutani minkarhi hinkwayo va ta tshama etikweni leri.

⁴⁰ Sweswi, va ta eka swiyenge swinharhu, swo ta eka tiko leri ra xitshembhiso. Sweswi langutani, hi ku hetiseka swi tsariwile eka Testamente Leyintshwa.

⁴¹ Sweswi leswi, tani hilaha ndzi vuleke, ku ka ndzi nga yimi ni miehleketo yin'wana ya n'wina. Van'wana va n'wina vanhu vo saseka va Nazarene, Church of God, ni tin'wana, mi nga swi pfumeleri swi mi vavisa, kambe ntsena swi languteni swinene kutani mi languta swifanekiso. Langutisani mi vona loko ndhawu yin'wana ni yin'wana yi nga bi kona hiku hetiseka.

⁴² A kuri ni swiyenge swinharhu swa rendzo, nakona kuna swiyenge swinharhu swa rendzo leri. Tani hilaha, hi nga lulamisiwa hi ripfumelo, hi ku pfumela eka Hosi Yesu Kreste,

ku fularhela tiko ra Egipta, hi huma. Kutani va kwetsimisiwile eka ku nyikela ka Ngati ya Yena, yi hlantsweke swidyocho swa hina, kutani hi va va endzeri ni vatshami va nkarhi nyana, hi ri karhi hi koxa leswaku hi langutele tiko, doroba leri ri taka, kumbe xitshembhiso.

⁴³ Swingaleswi Israel ri swi endlile emananga, vatshami va nkarhi nyana, a kuna ndhawu ya ku wisa, va famba vusiku ni vusiku, va landzelela Langavi ra Ndzilo, kambe eku heteeleni va fikile eka tiko ra xitshembhiso laha va nga tshama ehansi.

⁴⁴ Kwalaho hilaha mupfumeri a humaka kona. Xosungula u ta a ri karhi a switiva leswaku i mudyohi; kutani u hambanyisiwile hi mati, ku hlantswiwa ka mati, hi Ngati, ni...kumbe ku hlantswiwa ka mati hi Rito, kumbexana, ku pfumela eka Hosi Yesu Kreste. Swingaleswi, ku va a lulamisiwa hi ripfumelo, a va muteka-ndhawu, ni kurhula ni Xikwembu, ha Kreste, a khuvuriwa hi Vito ra Yesu Kreste, ku n'wi hlaya erendzweni. Ma swi kuma xana? Kutani erendzweni! Kutani a va mutshami wa nkarhi nyana ni muendzeri. Xana u le rendzweni ra yena ro ya kwihi? Xitshembhiso lexi Xikwembu xi xi endleke.

⁴⁵ Israel a ri nga se kuma xitshembhiso, kambe a va ri erendzweni ra vona. Kutani ri nga tlakusiwangaha...Na kombela twisisani. Kwalaho hilaha mi nga kona, va Nazarene ni va Pilgrim Holiness, nikuya emahlweni, ku wa. Hikuva, Israel, loko ri ta endhawini, ya Kadesh-Barnea, laha tinhlorhi ti nga ya ti ya ku, "Tiko ri kahle." Kambe van'wana va vona va vuye va ku, "Hi ngaka hi nga ri teki, hikuva madoroba ya rhemdzeriwile hi makhumbhi, nikuya emahlweni." Kambe Joshuwa na Caleb va yimile, va ku, "Hi tlula hiku tlurisisa kuri teka!" Hikokwalaho ka kuva va sayinile khale tidokhumente ta switetimente, va pfumela eka mintirho yi mbirhi ya tintswalo, ku lulama niku kwetsimisiwa, kutani a va nga ta suka va ya kun'wana. Kutani, yingiselani, rixaka lero hinkwaro ri lovisiwile emananga. Kambe vambirhi lava va nga ya etikweni ra xitshembhiso niku vuya ni vumbhoni bya leswaku i tiko ra kahle, "kutani hi ta ri teka hi ku tlurisisa, hikuva a kuri xitshembhiso xa Xikwembu." Kutani ematshan'wini ya vanhu leswaku va ya emahlweni, va amukela Moya wo Kwetsima, va vulavula hi tindzimi, va amukela matimba ya Xikwembu, nkhuvulo wa Moya wo Kwetsima, masingita, swihlamariso, mahlori, vatitwile tani hiloko swi nga tshovelela ndhavuko wa vona. Xana ku humelerile yini ha swona? Va lovisiwile etikweni! Sweswo hi swona.

⁴⁶ Kambe vapfumeri, Caleb na Joshuwa lava a swi fanerile, lava a vaya emahlweni ni xitshembhiso, va yile emahlweni etikweni lero, kutani va teka tiko, kutani va tshama ehansi etikweni, tani hi rifuwo. Kutani a hi kalanga hi yima eka

kululama, ni ku kwetsimisiwa. A hi yeni emahlwени eka nkhuvelo wa Moya wo Kwetsima. Hi nga tshiki ku pfumela eka Hosi Yesu, kuva hi khuvuriwa. Hi nga tshiki hikokwalaho ka kuva A hi basisile eka vutomi bya vudyoho. Kambe sweswi hi ya emahlwени eka xiyimo, kuya eka xitshembhiso xa nkhuvelo wa Moya wo Kwetsima. Tani hilaha Petro a nge teri, hi Siku ra Pentekosta, “Hikuva xitshembhiso xile ka n’wina, nile ka vana va n’wina, ni lava va nga ekule na swona, ni votala lava Hosi Xikwembu xa hina xi nga ta va vitana.”

⁴⁷ Swingaleswi, Efesa lahawani yi hi tshamisisa tani hi Joshuwa, endhawini. Ma swi xiyisisa, Joshuwa, endzhaku kaloko a tsemekanyile tiko, niku teka tiko, kutani u avile tiko. “Ephraim lahawani, va Manasse lahawani, ni loyi un’wana lahawani, Gad lahawani, Benjamin lahawani.” U avile tiko.

⁴⁸ Kutani xiyisisani! Oho, leswi ntsena swi hisa timbilu ta hina! Un’wana ni un’wana wa va manana lava va va-Heveru, vatswala vana lava, u vulavurile endhawini yi ri yin’we, eka switlhavi swa yena swo tswala, laha va nga ta vekiwa endhawini etikweni ra xitshembhiso. Oho, i ku dyondza loku kulu! Loko ntsena hi nga nghena eka swona hi vuenti, laha swi nga ta teka tiawara na tiawara. Siku rin’wana loko hi ta kuma kereke ya hina yi lunghisiwile, ntsena ndzi tsakela kuta ndzi ta teka nhweti yo tiya kumbe timbirhi, ntsena tshamani mi lulamile na swona. Langutani loko va, un’wana ni un’wana wa va manana lava, loko a vitaniwa, “Ephraim,” lokoa ha ri eku xanisekeni, vundhawu byi n’wi vekile laha minkondzo ya yena a yi tshamile eoyilini. Ntsena ku fana ni un’wana ni un’wana wa bona laha va nga vaka kona!

⁴⁹ Kutani Joshuwa, a nga switivi leswi, kambe hi nhlonhlotelo, u fambisiwile hi Moya wo Kwetsima, endzhaku kaloko ari etikweni ra xitshembhiso, u nyikile xitshembhiso eka munhu un’wana ni un’wana, tani hilaha Moya wo Kwetsima wu nga tshembhisa hi ku tswala endzhaku lahaya.

⁵⁰ Leswi Xikwembu xi rhumeriseke xiswona ekerekeni, kuya hiku tikeriwa ka bona ni switlhavi swa ku veleka! Oho, va kuma leswikulu ngopfu nkarhi wun’wana. Loko kereke ya ha konya ehansi ka ku xanisa hi swale handle swa misava, va pfumela eka Hosi Yesu, leswaku xitshembhiso xa Moya wo Kwetsima ntsena wu tani hiku hetiseka eka hina tani hilaha a wu ri xiswona ePentekosta, leswi va nga konyisa xiswona niku rila ehansi ka ku tikeriwa hi switlhavi swa ku veleka! Kambe loko va tava va tswariwile, nakona va tswariwa va vekiwa eMfun’weni wa Xikwembu, kutani Moya wo Kwetsima wu rhumeriwile ekerekeni, va n’wana vava vaapostola, va n’wana vava va profeta, va n’wana vava vadyondzisi, va n’wana vava vafundhisi, va n’wana vava

va evhangeli. Kutani Xi nyikile kwalahaya, ku vulavula hi tindzimi, ku hlamusela tindzimi, vutivi, vutlharhi, tinyiko to horisa, tinxaka hinkwato ta mahlori.

⁵¹ Laha kereke yi nga kona... Sweswi lexi i xikongomelo xa mina xo endla leswi. Kereke minkarhi hinkwayo yi ringeta ku teka swin'wana swa un'wana swa le khoneni. Kambe mi nga swi endli sweswo. U ngaka u nga kurisi vele eyinhleni ya Ephraim, loko mi ri va Manasse. U fanele ku teka ndhawu ya wena eka Kreste, mi yi teka exiyin'weni. Oho, swi ya swi tika niku fuwa loko hi nghena endzeni lahawani, leswi Xikwembu xi nga vekisa xiswona un'we ekerekeni ku vulavula hi tindzimi, un'wana... Sweswi, hi dyondzisiwile minkarhi yo tala, "hinkwerhu hi fanele ku vulavula hi tindzimi." Sweswo swi hoxekile. "Hinkwerhu hi fanele ku swi endla." Ee, a hi tano. Hinkwavo a va nga endli xilo xin'we. Un'wana a ri...

⁵² Un'wana, tiko ri nyikiwile niku aviwa hi nhlonhlotelo. Kutani, un'wana ni un'wana, ndzi nga ha teka Matsalwa ni makombisa eka n'wina hakunene, leswaku u va vekile endhawini laha vafaneleke kuva kona, hi xiyimo xa kona, leswi tinyimba teto timbirhi ta hafu ti fanelaka ku tshamisa xiswona kурхендеleka hi nambu, hi laha va manana va vona va nga ririsa xiswona eku tswaleni ka vona, ni hi laha ndhawu yin'wana ni yin'wana yi fanelaka kuva xi swona.

⁵³ Kutani sweswi endzhaku kaloko minghenile, sweswo a swi vuli leswaku u humile mi tlhela mi ntshunxeka eka kulwa. Hambi swi ri tano ma ha fanele kulwa eka ku ringana inchii yin'wana ni yin'wana ya rivala laha mi nga yima kona. Swingaleswi, wa vona, Kanana a ri nga yimeli Tilo lerikulu, hikuva i nyimpi ni makhombo niku dlayana ni kulwa, nikuya emahlweni. Kambe ra ha yimela leswi, sweswo kufanele kuva ku famba loku hetisekeke.

⁵⁴ Kwalaho hilaha kereke yi tsandzekaka namuntlha, eka ku famba kwaloko. Maswitiva leswaku hambi kuri mahanyelo lawa ya nga ya n'wina ma nga ha endla leswaku un'wana a nga hanyisiwi xana? Mahanyelo lawa ya nga riki kahle ya n'wina, ya kuva mi nga tivulanga swidyoho swa n'wina vapfumeri, swi nga ha vangela kereke leyi leswaku yi hluleka hilaha ku bavaka. Kutani hi Siku ra ku Avanyisa mi tava ni vutihlamuleri eka swin'wana ni swin'wana swa swona. Oho, mi ri, "Sweswi, yima nyana, Makwerhu Branham." Kunene, walowo i Ntiyiso. Ehleketa ha swona!

⁵⁵ Joshuwa, endzhaku kaloko a tava a tsemekanyile tiko, Xikwembu xi n'wi nyikile xitshembhiso xa leswaku... Ntsena ehleketa, kulwa eka mpfhumba rin'wana ni rin'wana leri ri nga kona ku nga ri niku lahlekeriwa hi munhu, ku nga ri ni xivati, ku nga ri ni xilaveko xa muongori, kumbe vutshunguri bya xihatla kumbe bandhichi. Amen. Xikwembu xi teri, "Tiko i ra

n'wina, fambani mi ya lwa." Ehleketa, hiku lwela mpfhumba, nakona a kuna Xihambano xo Tshwuka kwalaho hinkwako, ku hava munhu loyi a nga ta vaviseka!

⁵⁶ Kutani va dlayile va-Amor ni va-Het, kambe a kuri hava ni un'we loyi a nga vaviseka exikarhini ka vona kufikela laha xidyo xi nghanaka emixaxeni. Kutani loko Akani a tava a tekile nguvu ya Babilona ni nsuku walowo, a wu tumbeta ehansi ka muxaxa wa yena, kutani hi siku leri ri landzelaka va lahlekeriwile hi khume ntsevu wa vavanuna. Joshuwa a ku, "Yimani! Yimani! Yimani nyana, ku ni swin'wana swi nga hoxeka! Swin'wana swi hoxekile lahawani. Hi ta ya eku titsoneni masiku ya nkombo. Xikwembu xi hi nyikile xitsembhiso, 'Ku hava lexi xi nga hi vavisaka.' Valala va hina va ta wela emilengeni ya hina. Kutani ku na swin'wani leswi hoxekeke lahawani. Swin'wana swi hoxekile kun'wana, hikuva hi ni vavanuna va khume ntsevu lava nga fa va pavaleleke lahawani. I vamakwerhu va va-Israel, kutani va file."

⁵⁷ Hikokwalaho ka yini va fa, vanhu vo lulama? Hikokwalaho ka munhu un'we a nga tlula layini. Ma xivona xivangelo xa kuva leswi swi fanele ku dyondzisiwa xana? Kereke yi forile, yi fola ni Rito ra Xikwembu, yi fola na Xikwembu niku fola ni un'wana, yi famba kahle yi hetisekile, yi nga tivi kunwa, emahlweni ka vanhu hinkwavo, yi chava Xikwembu. Hikokwalaho ka munhu un'we a nga yiva nguvu, niku endla swin'wana leswi a nga fanelanga ku swi endla, ku tekiwa vutomi bya vavanuna va khume ntsevu! Ndza ehleketa leswaku a kuri khume ntsevu, kumbexani ku tlula. Ndza pfumela leswaku a kuri vavanuna va khume ntsevu lava va nga fa.

⁵⁸ Joshuwa u vitanile, a ku, "Kuna swin'wana swi nga hoxeka! Xikwembu xi endlile xitsembhiso, kutani swin'wana swi hoxekile."

⁵⁹ Loko hi tisa vavabyi emahlweni ka hina, kutani a va hanyi, hi fanele hi va ni xidzuniso xo ti tsona, hi vitana hlengeletano. Swin'wana swi hoxekile kun'wana. Xikwembu xi endlile xitsembhiso, Xikwembu xi fanele ku yima eka xitsembhiso xexo, nakona Xi ta swi endla.

⁶⁰ Kutani u vurile leswaku ku titsoniwa. Kutani va lavisisile, vahlongorile votala. Kutani Akani a tivula. Hiloko va dlaya Akani, ni ndyangu ni hinkwavo, kutani va va hisa va va minkuma, va yi siya kwalahaya leswaku yi va xitsundzuxo. Kutani Joshuwa a ya emahlweni ni tinyimpi, a teka hinkwaswo, ku nga ri niku hariwa kumbe xilondza. Kwalaho mi nga kona.

⁶¹ Siku rin'wana u lavile xinkadyana nyana, nkarhi wo engetela. Dyambu a ri pela, vavanuna a va nga talwa kahle ni vusiku. Joshuwa, nhenga ya leyo leyikulu, mutotiwa wa Xikwembu, loyi a nga vekiwa exiyin'weni etikweni, tani hi

Efesa eka Kereke leyi ntshwa, ku fuma, rifuwo, rifuwo ra tiko, ku ri teka. U lavile nkarhi wun'wana, kutani a ku, "Dyambu, yima u nga peli!" Kutani ri yimile kuringana kwalomu ka tiawara ta khume mbirhi, kufikela laha a tekaka tiko. Wa vona?

⁶² Sweswi Buku ya va-Efesa yi hi veka exiyin'weni eka Kreste, loko va ha ri eTikweni ro Kwetsima. A hi vekiwanga eka Tiko leri Kwetsimaka, kambe eka Moya lowo Kwetsima! Sweswi ntsena a hi hlayeni Rito, hi vona leswi kereke yi nga hetisekisa xiswona.

Paul, muapostola wa Yesu Kreste hiku rhandza ka Xikwembu, . . .

⁶³ Oho, ndzi rhandza sweswo! Xikwembu xi n'wi endlile muapostola. Ku hava vakulukumba lava va nga n'wi tlhandleka mavoko, ku hava vabishopo lava va nga n'wi rhumela kun'wana, kambe Xikwembu xi n'wi vitanile xi n'wi endla muapostola.

Paul, muapostola wa Yesu Kreste hiku rhandza ka Xikwembu, eka vakwetsimi (lava kwetsimisiweke) lava a va ri eEfesa, ni leka ku tshembha eka Yesu Kreste:

⁶⁴ Langutani leswi a swi vuriseke xiswona leswi. Leswi a hi swa vona lava nga pfumeriki. Leswi i swa kereke. Swi vitaniwiile lava va vitaniweke, lava kwetsimisiweke niku vitaniwaka lava va nga eka Kreste Yesu.

⁶⁵ Sweswi, loko mi lava ku switiva leswaku hi nghena njhani eka Kreste Yesu, loko mi nga pfula eka va-Korinto vo Sungula 12, yi ri, "Hi Moya wu ri wun'we hinkwerhu hi khuvuriwa eMirini wuri wun'we." Njhani? Ku khuvula hi yini? Moya wo Kwetsima. Ku nga ri hi nkuvulana mati, n'wina vanhu va Church of Christ, kambe hi rito rin'we lerikulu M-o-y-a, hi Moya wuri wun'we. Ku nga ri hiku tlhavulana ka mavoko, hi papila rin'we, ku ngari hiku haxiwa kan'we hi mati. Kambe hi Moya wuri wun'we hinkwerhu hi khuvuriwile e Mirini wuri wun'we, rifuwo ra hina, tiko leri Xikwembu xi hi nyikaka ku hanya eka rona, Moya wo Kwetsima. Ntsena tani hiloko Xi nyikile Kanana eka va-Yuda, Xi hi nyika Moya wo Kwetsima. Hi Moya wuri wun'we hinkwerhu hi khuvuriwa eMirini wuri wun'we. Maswikuma xana?

⁶⁶ Sweswi, u vulavula ni va Kanana va ximoya, Israel, va Israel va ximoya lava va nga ni rifuwo ra tiko. Oho, a mi tsakanga xana leswi mi humeke eEgipta wo nuhwa? Xana a mi tsakanga loko mi humile emananga? Kutani, tsundzukani, a vafanele ku dya mana, swakudya swa Tintsumi leswi humaka eMatilweni, kufikela laha va tsemekanyaka tiko. Kutani loko va tava va tsemekanyerile etikweni, mana ma yimile ku wa. A va vupfile kwalaho, kutani a va dya mavele ya khale ya tiko. Sweswi, sweswi a ma hari swihlangi nakambe, sweswi

a ma ha tsakeli ku navela masi ya Evhangeli, leswaku a ma ha fanelanga ku va swihlangi, niku mbuweteriwa, niku khongeteriwa kuta ekerekene, sweswi mi Vakreste lava va nga vupfa ku ringanelu, mi ti lulamiserile ku dya nyama yo tsindziyela sweswi. Mi ti lulamiserile ku ta eka swin'wana, u vule tano. Mi tilulamiserile kutwisia swin'wana leswi nonohwaka niku fuwa. Oho, hi ta nghena eka swona hiku kongoma. Kutani, oho, a swi tumbetiwile kusukela emasunguleni ya misava. A ku, "Sweswi mi ta eka leswi, ndzi adiresa leswi eka n'wina." Ku nga ri ntsena lava va nga siya Egupta, kungari ntsena lava va nga ha ri erendzweni, kambe eka lava va nga etikweni ra xitshembhiso, lava va nga amukela xitshembhiso.

⁶⁷ I vangani xana lava va nga amukela xitshembhiso xa Moya wo Kwetsima? Oho, a mitsakanga sweswi mi nga etikweni lahawani sweswi, mi dyaka mavele ya khale, mi dyaka swilo swo tiyela swa Xikwembu kutani mi kuma ku twisia loku ku baseke. Miehleketo ya—ya n'wina ya ximoya hinkwayo a yi pfilunganyanga. Ma switiva hakunene leswaku Yena i mani. Ma switiva hakunene leswi Yena a nga xiswona. Ma kutiva hakunene laha miyaka kona. Mi tiva hinkwaswo ha Rona. Mi tiva loyi mi N'wi pfumelaka niku khongotela Wa swikota ku hlayissa leswi mi tiboheke eka Yena ku lwisana ni siku. Oho, yaloye hi yena un'wana wa kona, yaloye hi loyi Paul a vulavulaka ha yena sweswi. Yingiselani hi vurhonwana. Sweswi langutani.

. . . ku tshembheka eka Kreste Yesu:

⁶⁸ Sweswi, mi nge ndzi pfumelela kereke leswaku yi vuyelerisa sweswo. Leswaku xana hi nghena njhani eka Kreste? Hi ku joyina kereke xana? Ee. Hi ku tsarisa mavito ya hina ebukwini xana? Ee. Hi ku khuvuriwa hi ku petiwa xana? Ee. Xana hi nghena njhani eka Kreste? Hi Moya wu ri wun'we wo Kwetsima hikwerhu hi khuvuriwile eka xitshembhiso xi ri xin'we, Miri, kutani hi va va teka ndhawu va hinkwaswo leswi swi nga swa tiko. Amen! Oho, ndzi—ndzi rhandza sweswo. Loko a ndzi nga ri ni rito lero, a ndzi ta huwelela. Wa mina, loko ndzi nghena etikweni leri, i ra mina. Ndzile kaya sweswi; ndzile Kanana. Ndzi xibye xa swin'wana ni swin'wana leswi Xikwembu xi ndzi lavaka ku ndzi tirhisela swona. Ndzi famba emisaveni leyi kwetsimaka, n'wana wa Hosi, loyi a ambaleke swa vuhosni niku tilulamisela. Ndzi humile eEgupta, ndzi ta etikweni ra xitshembhiso, miringo yi yima, ndzi tsemekanya Jordan ku ta eka xitshembhiso lexi katekisiweke. Oho, xana ndzi xi kuma njhani? Hi Moya wuri wun'we. Hi ndlela leyi Paul a nga Wu kumisa xiswona, wu ndzi endlerile swo fana ni leswi Wu nga swi endla eka yena, hi ndlela leyi Wu swi endleke eka n'wina. Hi Moya wuri wun'we hinkwerhu hi khuvuriwile. Ku nga ri ku haxiwa, ntsena ku haxiwa swintsongo hi Wona,

u titwa kahle; kambe hi ndzondzovetiwa endzeni! Hinkwaswo swi endliwile hiku hlambela endzeni, eka Moya wo Kwetsima. Xexo hi xona xitshembhiso.

⁶⁹ Va-Efesa va hina, Joshuwa wa hina, laha ku nga Moya wo Kwetsima, nhlamuselo ya *Joshuwa* hi leswaku “Yesu, Muponisi.” Joshuwa swivula Moya wo Kwetsima wu ri yimelaka eka ximoya tani hilaha ari ri eka ntumbuluku, leswaku hi Yena Nghwazi ya hina leyikulu. Hi Yena Murhangeli wa hina lonkulu. Tani hilaha Xikwembu a xi ri na Joshuwa, swingaleswi i Xikwembu (eka Moya wo Kwetsima) xi hi fambilisaka ha wona. Kutani loko xidyoho xi nghena emixaxeni, Moya wo Kwetsima wu koxile ku yimisa, “Xana ku humeleta yini lahawani ekerekeni leyi? Swin’wana swi hoxekile.” Oho, xana a mi swivoni leswaku hina vana votala va Kish sweswi? Ku ni va Saul vo tala lava humaka eka tiseminari ni swikolo swa ntivo-vukwembu nikuya ehandle ku ya dyondzisa swilo leswi swa lunya, tani hilaha Bibele yi vuleke leswaku va ta swi endla. “Ku kotisa, loko va nga ri na Ripfumelo, va tiavaka eka n’wina, a va na ku hlanganyela na n’wina, nikuya emahlweni, va ni ngohe ya vukhongeri kambe va arile Matimba ya byona, kutani na vona u va fularhela.” A va ku tivi laha va humaka kona, va ngaka va nga nyiki ni xivangelo xa kona.

⁷⁰ Ndzi vula leswi swi humaka eka Makwerhu Booth Clibborn, munghana wa mina, loko kuri ni xin’wana lexi...lexi endliwaka ehandle ka nawu lexi xitumbuluxiweke ku nga ri hi xikwembu, xin’wana ni xin’wana emisaveni, i meyila. Meyila i yale hansi eka swilo hinkwaswo. Hi yena...a—a nga switivi leswaku hi yena mani. A ngaka a nga titswali nakambe yena hi yexe. Ngati ya meyila a yi hlangani ni ya meyila kuloni ku tswariwa meyila yi n’wana. U helerile. A nga ku tivi laha tatana wa yena a humaka kona, hambi kuri ku tiva manana wa yena, hikuva i xidonkani—xidonkani na mangwa ya ntswele. Xikwembu a xi kalanga xi swi endla sweswo. Mi nga kali mi swivekela sweswo eka Xikwembu. Xikwembu a xi kalanga xi swi endla sweswo. Xikwembu xi teri, “Xin’wana ni xin’wana xi ta humesa muxaka wa xona.” Ina, nkulukumba. Kambe meyila i—i...tatana wa yona i donki kutani manana wa yona i mangwa ya xisati, swingaleswi a nga switivi leswaku u wela kwihi. Hi—hi—hi yena mangwa a ringetaka ku ti endla meyila, kumbe meyila...kumbe—kumbe hi yena mangwa a ringetaka ku ti endla donki, donki yi ringetaka kuva mangwa. A nga switivi leswaku u wela kwihi. Nakona hi yena nchumu wo oma nhloko ngopfu emisaveni. U ngaka u nga tshembheli na swi ntsongo eka yena.

⁷¹ Kutani yaleyo hi yona ndlela leyi vanhu votala va nga xiswona ekerekeni. A va n’wi tivi tatana wa vona, a va n’wi tivi manana wa vona. Nchumu wun’we ntsena lowu va wu tivaka, nkarhi wun’wana i va Presbyterian, Methodist, Baptist,

kumbe Pentekostal, kumbe swin'wana. A va ku tivi laha va humaka kona. Kutani donki ya khale, u nga ha yi lerhisa tani hi laha u nga kotaka ha kona loko u lava ku yi lerhisa, kutani u ta yima lahaya a humesela tindleve ta yena ehandle letikulu, a languta. U nga ha va chumayeleta vusiku hinkwabyo, kutani a va switivi na swi ntsongo loko va sukela sweswo kutlula leswi va swi endleke loko va nghena. Sweswi, sweswo ntsena hi swona. A ndzi vuli kuva ni mikhova yo karhata, kambe ndzi lava ku mi byela Ntiyiso.

⁷² Kambe kuna nchumu wun'we lowu va nga wu endlaka, i va tirhi va kahle. Oho, ntsena va tirha, va tirha, va tirha, va tirha. Sweswo swi ndzi veka eka miehleketo ya ntlawa lowu wa va-Amor lowu minkarhi hinkwayo a wu ringeta ku titirhela swa ndlela ya vona yo ya eMatilweni. Sweswo hi swona, meyila. Oho, va Ladies Aid Society, ni xilalelo xa tihuku, kuva va hakela, muchumayeri. "Kutani hi fanele hi va ni macinelo lawa, ni matiphinelo lawa." Ntsena kova ntirho, ntirho, ntirho, ntirho, ntirho, ntirho, ntirho. Kutani, vona, xana va vatirhela yini?

⁷³ Va vutisi, "Xana mikale mi amukela Moya wo Kwetsima kusukela loko mi tava mi pfumerile xana?"

⁷⁴ Va ta humesela tindleve ta vona ehandle, kutani a va ku tivi ni laha va welaka kona, "Xana u vula yini? Xana swile kwihihinkwaswo *leswi*? Xana u vula yini, Moya wo Kwetsima xana? A ndzi kalanga ndzi twa nchumu ha Wona. Oho, u nga hava u ri ni maendlelo man'wana lawa ya hlekisaka." Wa vona, a va n'wi tivi leswaku papa wa vona i mani, kumbe manana wa vona leswaku i mani, kumbexana. Kutani u fanele ku va ba eka xin'wana ni xin'wana lexi u xi e endlaka, u ba *lahawani* u tlhela u ba *lahaya*, kutani u ba *lahawani* ni ku ba *lahaya*. Sweswo hi swona, meyila ya khale.

⁷⁵ Kambe, ndza mi byela, a mi fanelangi ku tswarisa hi ku endla sweswo hi ku hlanganisa tingati ni mangwa. Ntsena aku tshwi nkharissa eka yena, kutani makwerhu, u fambile. U tiva leswi a swi endlaka. Oho, swikahle njhani ku gada lexi tswarisiweke hi ku hlanganisa tingati! Swi sasekile njhani ku vula leswaku, "Tana, m'fana." Oho, munhu, swa antswa u khomelela xo tiya, u ta siya sadlili emoyeni.

⁷⁶ Yaleyo hi yona ndlela leyi yi nga xiswona ni Vakreste lava va tswariweke hi tingati leti nga hlanganisiwa. Haleluya! "Mikale mi amukela Moya wo Kwetsima. Hundzukani, un'wana ni un'wana wa n'wina, kutani mi khuvuriwa hi Vito ra Yesu Kreste, eku rivaleriweni ka swidyoho swa n'wina." Va fambile, hiku hatlisa ntsena hilaha va nga kumaka mati, va fambile. Va ngaka va nga vi na kurhula nhlikanhi ni vusiku kufikela laha va amukelaka Moya wo Kwetsima. Hikokwalaho ka yini? Maswitiva, Mukreste wa swi tiva leswaku Tatani wa

yena i mani. Wa vona, swi teka swimbirhi leswaku kuva niku tswariwa. Sweswo hi swona, papa na mhani. Meyila a yi switivi leswaku papa wa yona i mani, kumbe mhani i mani. Kambe hina ha switiva leswaku Papa na Mhani i va Mani, hikuva hi tswariwile hi Rito ra Xikwembu leri tsariweke, ri tiyisisiwa hi Moya. Petro u teri, hi Siku ra Pentekosta, “Loko mi nga hundzuka mi khuvuriwa, un’wana ni un’wana wa n’wina, hi Vito ra Yesu Kreste, eku rivaleriweni ka swidyocho swa n’wina, mi ta amukela nyiko ya Moya wo Kwetsima.”

⁷⁷ Kutani, makwerhu, Mukreste wa xiviri loyi a nga tswariwa ra vumbirhi, (oho, mina) moya wa yena, tani hiloko a kuma Rito, u amukela Moya wo Kwetsima. Kutani n’wi vutisi swin’wana kwalaho! U tiva laha a nga yima kona. “Xana ma pfumela eka ku horisiwa ka Matimba xana?” “Amen!” “Xana ma pfumela eka ku Vuya ra Vumbirhi xana?” “Amen!”

⁷⁸ Vutisa meyila sweswo. Vukhongeri bya meyila, “Uh, a ndzi tivi. Dokodela Jones u teri nkarhi wun’wana . . .” Huh! Lahaya, u landzelerile Saul. Wa vona? “Oho, a va switivi. Kunene, ndza mi byela, kereke ya mina a yi na ntiyiso ha Swona.”

⁷⁹ Oho, makwerhu, kambe wanuna loyi a nga tswariwa ra vumbirhi na wansati va na ntiyiso wa ku vuya ka Hosi Yesu, ntseña va ni ntiyiso tani hilaha va nga na Moya wo Kwetsima tani hi leswi lahaya ku nga na Moya wo Kwetsima wu nga ta nyikiwa.

⁸⁰ Sweswi, Yesu u teri . . . Wansati exihlobyen, “Hi gandzela entshaveni leyi, kutani va-Yuda va gandzela eYerusalem.”

⁸¹ A ku, “Wansati, twana Marito ya Mina! Wa ta nkarhi, ni sweswi wu tile, laha Tatana a lavaka lava va nga ta N’wi gandzela hi Moya ni Ntiyiso.”

⁸² Rito ra Yena i Ntiyiso. Kutani munhu un’wana ni un’wana loyi a hlayaka Bibele niku pfumela Rito rin’wana ni rin’wana leri Bibele yi ri vulaka, niku landzelela swileriso swa Yona, niku amukela Moya wo Kwetsima wun’we lowu va wu amukeleke, hi ndlela leyi va Wu amukeriseke xiswona, mbuyelo byin’we loko va tava va Wu amukerile, matimba man’we loko va tava va Wu amukerile, u tiva leswaku Papa wa yena i mani ni Mhani wa yena. Wa switiva leswaku u hlantswiwile hi Ngati ya Yesu Kreste, a tswariwa hi Moya, a tatiwa hi ntoto wa Xikwembu. U tiva laha a nga yima kona. Hakunene! U le Kanana. U tiva laha a humaka kona. Sweswo hi leswi swi nga xiswona na Mukreste wa ntiyiso. N’wi vutisi, “Xana u kale u amukela Moya wo Kwetsima kusukela loko u tava u pfumerile xana?” “Amen, makwerhu!”

⁸³ Ndzi yima siku rin’wana ekusuhi ni mudyuharhi wa mukwetsimi, wa malembe ya makume nkaye-mbirhi hi vukhale, a ri karhi a vulavula ni mufundhisu wa yena wa makume nhungu hi vukhale, ndzi ku, “Mukhegula?”

Ntsena tani hi laha a xise xiswona, a ku, “Ina, jaha ra mina.”

⁸⁴ Ndzi ku, “Xana i khale kufikela rini kusukela loko u tava u amukerile Moya wo Kwetsima?”

A ku, “A ku dzunisiwi Xikwembu! Kwalomu ka makume ntsevu wa malembe lawa ya nga hundza ndzi Wu kumile.”

⁸⁵ Sweswi, loko ari meyila, a tava a teri, “Sweswi, yima nyana, ndzi tivurile niku haxiwa hi mati loko ndza ha ri... Kunene, kunene-nene, kutani va ndzi tekile va ndzi yisa ekerekeni kutani va teka papila ra mina va ri yisa eka swingere.” Oho, ndzi twele vusiwana! A va switivi hambi kuri ku switiva laha va humaka kona.

⁸⁶ Kambe u tiva laha tinfanelo ta yena to tswariwa ti humaka kona. A ri kwalahaya loko swi humelela. U tswariwile hi mati ni Moya. A switiva, kutani mati kuva mahlantswiwa hi mati ya Rito, ya tekile Rito.

⁸⁷ Sweswi langutani leswi leswaku swi hlamuseriwile njhani, “Eka lava va nga eka Kreste Yesu.” Paul, sweswi, tsundzukani... Ndzi le ku tekeni ka nkarhi wo leha, kambe a ndzi nge yi heti ndzimana leyi. Kambe ndzi ta hatlisa... Xana ma yi tsakela? Oho, Yi hi byela laha hi nga kona, kambe a hi nge swikoti ku swi endla hi madyambu man’we ntsena. Swi lava hi ri ni nhweti kumbe timbirhi eka leswi, madyambu man’wana ni man’wana, ntsena ku famba hi Yona, Rito hi Rito. Hi tlhelela endzhaku hi ya swi teka eka matimu kutani hi swi humesela ehandle, Rito hi Rito, kutani ndzi mi kombeta leswaku I Ntiyiso. Sweswi mi nge ndzi hlaya vhese ya leyo nakambe hi ku hatlisa.

Paul, muapostola wa Yesu Kreste hi ku rhandza ka Xikwembu (ku ngari ku rhandza ka munhu), eka vakwetsimi va le Efesa, kutani (rihlanganisi) eka lava va tshembheleke eka Kreste Yesu:

⁸⁸ Leswi swivulaka leswaku, “Va vitaniwile, va ti hambanyisa, kutani va khuvuriwa hi Moya wo Kwetsima, kutani vale ka Kreste Yesu. Ndzi hlamusela vuapostola lebyi eka n’wina, va rhandziwa wa mina.” Oho! Ndzi ehleketa hi Paul lahaya na vona sweswi, oho, swi tsakisa njhani! Muapostola yaloye wa khale lontsongo loyi a tsemiweke nhloko ya yena kwalahaya. Ndzi yimile ekusuhi ni ndhawu leyi va tsemeke nhloko ya yena kona. Kambe, oho, nhloko yaleyo ya yena yile ka miri lowuntshwa, kutani yi ngaka yi nga ha susiwi nakambe. Kutani u yimile kwalahaya na vona enkarhini lowu, muapostola ya loyi a nga tsala Leswi. Kutani a ku, “Eka n’wina lava mi nga eka Kreste Yesu! Hi Moya wuri wun’we hinkwerhu hi khuvuriwile eka Miri wun’we.” Sweswi langutani.

Tintswalo a tive na n'wina, ni ku rhula, leti humaka eka Xikwembu Tatana wa hina, nile...ka Hosi Yesu Kreste.

Ku katekile Xikwembu Tatana wa Hosi ya hina Yesu Kreste, loyi ku nga yena la hi katekiseke hinkwawo...

Oho, xana wa switwa sweswo, Charlie?

...a nga hi katekisa hi minkateko hinkwayo ya ximoya...

⁸⁹ Ku nga ri ntsena swin'wana eka vaapostola, ni swin'wana eka *leswi*, kambe U hi katekisile hi ku katekisa hinkwako ka ximoya. Moya wo Kwetsima wa luwani wu nga xika hi Siku ra Pentekosta wa hari wona Moya wo Kwetsima lowu wu nga lahawani emadyambyini lawa. Moya wa luwani wo Kwetsima lowu wu endleke Maria a huwelela niku vulavula hi tindzimi, kutani a va ni nkarhi wa kahle niku tsaka, kutani ni swilo leswi a swi endleke, wa hari Moya wo Kwetsima wun'we lowu nga emadyambyini lawa kwalahawani. Moya wa luwani wo Kwetsima lowu wu nga pfumelela Paul eka byatso byebyo bya khale, laha a byi languteka byi dyiwa hi mati laha a fambile, khume mune wa masiku ni vusiku bya kona, kuri hava n'weti kumbe tinyeleti. U langutile ehandle lahaya kutani gandlati rin'wana ni rin'wana ari ri na javulosi eka rona, a ri karhi a hatima, ni ku hatimisa meno ya yena, a ku, "Ndzi ta ku mbombomerisa, jaha ro dyuhala, sweswi. Ndzi ku kumile sweswi."

⁹⁰ Kutani loko Paul a ha rhelela a ya endla nyana xikhongelo xintsongo, lahaya a ku yimile Ntsumi, yi ku, "U nga chavi, Paul. Byatso lebyi bya khale byi ya eku fayekeni exihlaleni xin'wana. Yana emahlweni niku dya swakudya swa wena swa ni madyambu, swi tshamisekile sweswi."

⁹¹ Hi loyi a taka na vona ni tipencani emavokweni ya yena ya khale, a ri karhi a ti kokakoka emilengeni ya yena, kutani a ku, "Vanani ni nhlonhlotelo wa kahle, vavanuna, eka Xikwembu, Ntsumi ya Xikwembu, ndzi nandza wa mani mina, u yimile ekusuhi na mina a ku, 'Paul, u nga chavi.'" Moya wo Kwetsima walowo wu lahawani madyambu lawa, Moya wun'we wa Xikwembu, wu tirhaka eka hina hi minkateko ya ximoya leyi yi fanaka.

...wu hi katekisile hiku kateka hinkwako ka ximoya etindhawuni tale tilweni...

⁹² Oho, a hi yimeni nyana ntsena xinkadyana lahawani. "Etindhawini tale Matilweni." Sweswi, ntsena ku ngari ehandle kun'wana ni kun'wana, kambe etindhawini tale Matilweni. Hi hlenglestanile "Ematilweni," swivula leswaku xiyimo xa mu pfumeri. Leswaku, loko ndzi khongerile ehenhla, mi khongerile ehenhla, kumbe kereke yi khongerile ehenhla, kutani hi tilulamiserile Hungu,

kutani hi hlengeletanile kun'we tani hi vakwetsimi, lava va vitaniweke, va khuvuriweke hi Moya wo Kwetsima, va tatiwa hi minkateko ya Xikwembu, va vitaniwa, lava nga hlawuriwa, va tshamile kun'we etindhawini tale Matilwени sweswi, hi va Matilo emimoyeni ya hina. Mimoya ya hina yi hi tisile emoyeni wa Matilo. Oho, makwerhu! Kwalaho u nga kona, emoyeni wa Matilo! Oho, xana ku nga humelela yini vusiku lebyi, xana ku nga humelela yini vusiku lebyi loko kuri leswaku hi tava hi tshamile lahawani emoyeni wa Matilo, kutani Moya wo Kwetsima wu famba famba eka mbilu yin'wana ni yin'wana leyi yi nga tlhela yi tswarewa kutani yi va xivumbiwa xintshwa eka Kreste Yesu? Swidyo ho hinkwaswo swi va ehansi ka Ngati, eka ku gandzela loku ku hetisekeke, ni mavoko ya hina lawa ya tlakukeke eka Xikwembu ni timbilu leti ti tlakusiweke, titshameke etindhawini tale Matilweni eka Kreste Yesu, tigandzelaka kun'we etindhawini tale Matilweni.

⁹³ Xana mi kale mi tshama eka yin'wana? Oho, ndzi ta tshama ku kondza ndzi humesa mihloti ya ntsako, "Xikwembu, u nga ndzi tshiki ndzi suka lahawani." Ntsena etindhawini tale Matilweni eka Kreste Yesu!

⁹⁴ Hi katekisiwa hi yini xana? Ku hanyisiwa ka Matimba, vutivi, nhlavutelo, swivono, matimba, tindzimi, ku tihlamusela, vunlharchi, ku tiva, hinkwayo minkateko yale Matilweni, ni ntsako lowu wu nga hlamuselekiki niku tatiwa hi ku Kwetsima, mbilu yin'wana ni yin'wana yi tatiwa hi Moya, yi famba na wona, yi tshama na wona etindhawini tale Matilweni, ku ngari miehleketo yin'wana yo biha yi nga exikarini ka hina, ku nga ri ku zaha ka sigarete yin'we, ku nga ri mpahla yin'we yo koma, ku nga ri na xin'we xa *leswi*, *sweswo* kumbe *swin'wana*, ku ri hava ni yin'we miehleketo yo biha, ku ri hava loyi a nga na *swin'wana* swo lwisana ni un'wana, un'wana ni un'wana u vulavula hi rirhandzu ni ntwanano, un'wana ni un'wana hi moya wuri wun'we endhawini yiri yin'we, "kutani hi xintshuketa lahaya kuta mpfumawulo lowu wu humaka eTilweni tani hi xihuhi." Lahaya mi nga kona, "Hi katekisiwile hi mikateko ya ximoya."

⁹⁵ Kutani Moya wo Kwetsima wu nga ha wela ehenhleni ka un'wana, wu ku, "HI LESWI HOSI YI SWIVULAKA. Famba endhawini yin'wana u ya endla *swin'wana*." Mi swi languta swi humelerisa *xisweswo*. [Makwerhu Branham a thokoza —Muhleri.] Wa vona? "HI LESWI HOSI YI SWIVULAKA. Endla nchumu wun'wana endhawini yin'wana." Mi swi languta swi humelerisa *xisweswo*. [Makwerhu Branham a thokoza.]

⁹⁶ "Hi katekisi hinkwerhu hi minkateko hinkwayo ya le Matilweni e tindhawini ta le Matilweni." Langutani!

Kuya hi leswi a hi hlawuriseke xiswona . . .

⁹⁷ Xana hi hlawurile Yena, kumbe hi Yena a nga hi hlawula xana? U hi hlawurile. Rini? Madyambu lawa hi nga N'wi amukela ha wona? Ku hlawuriwa!

Hi laha xi hi hlawuleke ka yena loko misava yi nga si tumbuluka, leswaku hi kwetsima . . . kutani hi pfumala xisandzu emahlweni ka xona . . . (tidinominexini?) . . . hi rirhandzu:

⁹⁸ Xana Xikwembu xi hi hlawurile rini? Xana Xikwembu xi mi hlawurile rini n'wina mi nga na Moya wo Kwetsima? Xana Xi mi hlawurile rini? Ku nga si va ni masungulo ya misava. [Xivati lexi ngariki ni nchumu eka thepi—Muhleri]. . . . Xi mi hlawurile. Kutani xi rhumela Yesu leswaku A tava mhamba ya swidyoho swa n'wina, ku ta mi vitana leswaku mi ta eku rivaleriweni, eka yena hi Yexe, eka rirhandzu. Oho, loko a hi ri ni timinetse nyana to hlaya ta nkarhi.

⁹⁹ Mi nge ndzi, hi nga seja emahlweni, hi tlhelela endzhaku, Genesa 1:26. Ndzi ta yi teka hi Ravunharhu. Loko Xikwembu xi tava xi endlile munhu. . . . Xi nga se endla munhu, a Xi tititanile xona N'winyi “El,” E-l, El; E-l-h, “Elah,” “Elohim.” Rito ri vula leswaku, eka va-Heveru, “yena la nga ni matimba,” hinkwaswo xona N'winyi. Ku hava lexi nga ni matimba emahlweni ka Xona, a kuri Xona xa matimba hinkwawo xi nga tshama xi va kona, Yena la nga ni matimba! El, Elah, Elohim, swivula leswaku “la enerisaka eka hinkwaswo, la hetisekeke eka matimba hinkwawo, wa Matimba hinkwawo, Yena la nga ni matimba.” Oho!

¹⁰⁰ Kambe eka Genesa 2, loko Xi tava xi endlile munhu, Xi teri, “Hi Mina,” Y-a-h-u, J-u-v-u-h, Jvhu, “Yehovha.” Xana ri vula yini? “Hi Mina Loyi a nga ni matimba Loyi a tumbuluxeke xin’wana lexi xi humaka eka Mina, leswaku a va n’wana wa Mina, kumbe wa nkarhi nyana, kumbe loyi a nga riki yena ngopfu, un’wana lontsongo wa Mina.” Wa Kwetsima! Hikokwalaho ka yini? Xi nyikile munhu. . . . Yehovha swivula sweswo leswaku Xi nyikile munhu leswaku a va xikwembu nyana. Hikuva hi Xona Tatana, Xikwembu, kutani Xi endlile munhu leswaku a va xikwembu nyana, leswaku Xi nga havi la nga ni matimba xi ri xoxe nakambe, Xi na matimba ni ndyangu wa Xona. Elah, Elah, Elohim. Sweswi, sweswi hi Xona Yehovha. *Yehovha*, swivula leswaku, “La Nga ni matimba ni ndyangu wa Yena.” Sweswi, Xikwembu xi endlile munhu leswaku a ta fuma misava hinkwayo, u na ku fuma. Kutani misava yi fumiwa hi munhu. I Matsalwa ya lawa xana? Swingaleswi loko sweswo kuri ku fuma ka yena, hi yena xikwembu ehenhleni ka misava. A nga ha vulavula, kutani swi tava tano. A nga ha vula *leswi*, kutani swi tava tano. Oho! Lahaya Xi nga kona, Xikwembu, Yehovha, Loyi A nga tshama

a va ni matimba eka matimba ya yena a ri yexe, kambe sweswi u ni matimba ni ndyangu wa Yena, ni vatsongwana va Yena xikan'we na Yena. Kwalaho mi nga kona.

¹⁰¹ Sweswi, hlayani sweswo. Hi ta nghena eka swona hi Ravunharhu ni madyambu, loko hi ri ni nkarhi wo tala. Hi salele hi timinetse ta kwalomu ka khume ntshanu hi ta... Ndzi ehleketa leswaku ndzi ta nghena eka xindhawana xin'wana lahwani, kambe a hi nge swikoti, laha hi nga lemeriwa hi Moya wo Kwetsima wa xitsembhiso. Hinkwaswo swi kahle.

¹⁰² Sweswi, xana hi vitaniwile rini kuva va tirheli va Xikwembu? Xana Orman Neville u vitaniwile rini kuva mutirheli wa Xikwembu? Oho, mina! Leswi swa ndzi dedelekisa. Ndzi ta mi byela, a hi kumeni Matsalwa man'wana. Ndzi mi lava mi kuma Petro wo Sungula 1:20. Kutani, Pat, kuma Nhlavutelo 17:8. Kutani ndzi ta kuma Nhlavutelo 13. Sweswi hi lava ku yingisela lahwani, ma swilava ku switiva loko Xikwembu xi mi vitanile leswaku mi va Vakreste. Oho, ndza swi rhandza leswi. Leswi i, "Munhu a ngaka a nga hanyi hi vuswa ntsena, kambe hi Marito hinkwawo lawa ya humaka enon'weni wa Xikwembu." Hinkwaswo swi kahle, Makwerhu Neville, u khoma Petro wo Sungula 1:20. [Makwerhu Neville a ku, "1:20."—Muhleri.] Kunene, hlayani 1:19 na 1:20. Yingiselani leswi. ["1:19 na 20."] Ina. [Makwerhu Neville a hlaya Petro wo Sungula 1:19–20.]

Kambe kuva hi ngati leyi pfumariwaka ya xinyimpfana, lexi ngariki na xivati ni xisandzu a nga Kreste:

Loyi a nga tiviwa hi Xikwembu misava yi nga si ntumbuluka, kutani a kombisiwa hi minkarhi ya ku hela hikwalaho ka n'wina.

¹⁰³ Xana U tiviwile rini? Misava yi nga si tumbuluka. Makwerhu Pat, ndzi hlayeli Nhlavutelo 17:8. [Makwerhu Pat a hlaya Nhlavutelo 17:8—Muhleri.]:

Xivandzana lexi u xi voneke a xiri kona, kambe a xa ha ri kona; xi ta huma kheleni, kutani xi ya ku loveni: lava akeke misaveni va ta hlamala, lava mavito ya vona ma nga tsariwangiki bukwini ya vutomi ka hari mpfukwa loko misava yi tumbuluka, loko va vona xivandzana hikuva a xi ri kona, kutani a xa hari kona, kasi xi ta tlhela xiva kona.

¹⁰⁴ Xana i mani a nga ta xisiwa? Xana i mani a nga ta xisiwa hi munhu loyi wa vukhongeri tani hi Saul leswi a ri xiswona? Sweswo ntsena a kuri vunwa niku hetiseka kufikela laha byi nga ta hambukisa va mani? Navona Va-... [Nhlengeletano yi ku, "Va hlawuriwa."—Muhleri.] loko...["swi nga koteka."] loko swi nga koteka. Hinkwaswo swi kahle, Nhlavutelo 13:8, mi nge ndzi mi hlayela yona.

Kutani hinkwavo lava akeke misaveni va ta . . . hinkwavo lava akeke misaveni va ta xi gandzela, lava mavito ya vona ma nga tsariwangiki abukwini ya Xinyimpfana lexi tlhaviweke ka ha ri mpfhuka misava yi tumbuluka.

¹⁰⁵ Xana mavekiwile rini mavito ya hina eBukwini ya Vutomi ya Xinyimpfana? Loko Xinyimpfana xi tava xi dlayiwile misava yi nga se tumbuluxiwa. Laha Xikwembu a xa ha ri Yehovha, El, Elah, Elohim, Yena la nga ni matimba. Ntsena tani hi Dayimani leyikulu ya kahle, kutani A ngaka a ngavi loyi a nga riki nchumu swin'wana, kambe endzeni ka Dayimani leyi Mintumbuluko ya Yena akuri ku Ponisa. Eka Mintumbuluko leyi, endzeni ka Yena, a kuri ni Muhanayisi. Kunene, a kuna xin'wana lexi nga ponisaka ni lexi nga hanyisaka, kambe Mintumbuluko ya Yena ya swi humesa. Swingaleswi, ku nga si va ni masungulo ya misava, loko Xi tava xi swi tivile, leswaku ku kombisa lokukulu ku nga lahawani ka Yena, leswaku U tava Muponisi, leswaku A nga ha ta a ta ti endla nyama a tshama exikarhini ka hina, kutani U swi tivile leswaku hi timbangta Yena hi ta horisiwa, U dlayile Xinyimpfana eBukwini ya Xona ku nga se va ni masungulo ya misava, a tsala ni mavito ya N'wina ku nga se va ni masungulo ya misava. Oho!

¹⁰⁶ Yingisani Leswi! Kuhlawula ku languta endzaku eka vutivi, ndzi vula nhlawulo. Nhlawulo wu languta endzhaku eka vutivi, kutani ku hlawula ku languta laha ku yiwaka kona. Mi nga swi rivali sweswo, ku hlawula kwaloko ku languta endzhaku lahawani, lahawani hi leswi, "A ndzi ri khokholiba. Ndzi tswaleriwile evudyoheni, ndzi vumbiwa evubihini, ndzi ta emisaveni ndzi ta vulavula mavunwa, ndzi tswariwa exikarhini ka vadyohi. Tatana na manana ni ndyangu wa ka hina hinkwawo, wa vadyohi. A ndzi ri khokholiba. Kambe, hi xitshuketa, ndzi vile mbewu ya nkoroni. Xana swi humelerile njhani?" Sweswo, xana sweswo i yini? Nhlawulo. Xikwembu, ku nga se va ni masungulo ya misava, ndzi hlawuriwa leswaku khokholiba yi ya mbewu ya nkoroni. "Sweswi ndza switiva leswaku ndzi mbewu ya nkoroni, hikuva ndzi ponisiwile. Xana ndzi swi endlisa ku yini?" Langutani endzhaku kutani mivona loko Xi swi hlawurile, nkarhi wo leha lowu wu hundzeke. Hi vutivi Xi swi vonile leswaku ndza Xi rhandza, swingaleswi Xi endlile gandzelo hi N'wana Loyi a nga wa Xona, leswaku ha Yena ndzi nga ha suka eka vukhokholiba ni va mbewu ya nkoroni. "Sweswi, xana ndzi le kwihi sweswi?" Ndzi ponisiwile, ndzi le ku fambeni etintswalwini ta Xikwembu. "Xana ku hlawuriwa swi languteka njhani?" Kuya laha ku yiwaka kona. "Xana Xi ta ndzi yisa kwihi, nakona ndzi ya kwihi xana?" Amen. Sweswo mi na swona. Kwalaho mi nga kona.

¹⁰⁷ Sweswi a hi hlayeni nyana swintsongo kuya mahlweni, kutani hi ta pfala ku ngari khale.

Hi laha xi hi... hlawuleke ka yena loko misava yi nga si tumbuluka, leswaku hi kwetsima... kutani hi pfumala xisandzu emahlweni ka xona:

Hikuva hi rirhandzu ra xona xi hi hlawurile khale ku hi endla vana va xona, xi hi hlawurile khale ku hi endla vana va xona ha Yesu Kreste, hiku tirhandzela ka vunene bya xona,

¹⁰⁸ Xana Xi endla yini? Xona, hi vutivi, xi hi vonile hi nga si va kona, xi switiva leswaku hi Xona Muponisi, la nga ni matimba hi nkawalo. A kuri hava ni Tintsumi, kuri hava nchumu; ntsena Xikwembu, Elah, Elohim, Yena la nga ni matimba, kuri hava swin'wana kambe Xona ntsena. Kambe eka Xona kuna Mupanisi. Kunene, xana Xi ya ponisa yini, kuhava leswi lahlekeke xana? Hi kutiva leswaku, kutani Xi swi tivile leswaku ntumbuluko lowu wa kahle eka Xona wu ta humesela swin'wana ehandle lahaya leswi Xi nga swi ponisaka. Kutani loko xi swi endlile sweswo, hi vutivi Xi langutile ehansi kutani Xi vona un'wana ni un'wana loyi a nga Swi amukelaka. Kutani hiku endla sweswo, Xi teri, "Ku ponisa sweswo, ndlela yin'we ntsena leyi ndzi nga swi endlaka, i kuva ndzi enhlela ehansi hi Vumina ndzi ta tiendla nyama ni ku teka vudyoho bya munhu ehenhleni ka Xona, niku n'wi fela, leswaku Ndzi va Un'wana loyi a gandzeriwaka," hikuva hi Xona Xikwembu, xibye xo gandzela kona.

¹⁰⁹ Hiloko Xi enhlela ehansi kutani xi ti tekela eka xona N'winyi. Kutani loko Xi tava xi swi endlile sweswo, Xi endlile sweswo leswaku Xi nga ha ponisa n'wina mi lavaka ku ponisiwa. Xana maswivona leswi ndzi swi vulaka xana? Hi vutivi, Xikwembu lexi ngariki ni makumu, Lexi xi tivaka swilo hinkwaswo, xi vonile Xinyimpfana, kutani Xi dlayile Xinyimpfana ku nga si va ni masungulo ya misava, kutani Xi veka mavito ya n'wina eBukwini ya Vutomi ya Xinyimpfana. Nakona Xi vonile vuxisi bya Sathani, leswi a nga ta swi endla. Swingaleswi Xi vekile mavito ya n'wina kwalahaya. Kutani Xi vula leswaku antikreste u tava a ri wa vukhongeri ngopfu, wa kahle swinene, tani hi nakulorhi wa kahle, tani hi munhu wa malwandla, tani hi munhu la khongelaka, leswaku a ta hambukisa vahlawuriwa loko swi nga koteka. Kambe a swi nge endleki, hikuva mavito ya vona ya hlawuriwile khale ku nga si va ni masungulo ya misava. Hi ku hlawula Xi va hlawurile, kutani hikuva va hlawuriwile va tiva laha va yaka kona. Kwalaho mi nga kona.

¹¹⁰ Sweswi, xana i mani a nga swi kanakanaka sweswo? Sweswo hi leswi Paul a nga swivula. Yalawa i Matsalwa ya Paul. Walowo i ntsalo wa Paul. Sweswo hi leswi a swi dyondziseke kereke ya yena. Kereke, exiyin'weni, misava yi nga si tumbuluka. Loko Xikwembu, eka ku tikeriwa ka Xona

hi swithhavi swo veleka, a xi ri eku tswaleni, kutswala n'wina, hiku tiva leswi mi nga ta swi endla, Xi mi veka endhawini ya Miri Lowu wu nga wa Xona, leswaku mi va wansati wa muti, kuva murimi, kuva muchumayeri, kuva muprofeta, kuva *leswi* kumbe kuva *sweswo*. Xi mi veka exiyin'weni xa kona. Kutani loko hi tava hi vuyile ematikweni ra galiki ra Egipta, kuya hi ku kwetsimisiwa, kutani va khuvuriwile etikweni ra xitshembhiso... Hikuva, xitshembhiso xa Xikwembu i Moya wo Kwetsima. Va-Efesa 4:30, yiri, "Mi nga khomisi Moya wo Kwetsima wa Xikwembu tingana lowu mi funghiweke ha wona ku fikela siku ra kutsuriwa ka n'wina." Kutani Xikwembu, kuva xi hlawurile kereke, Xi teri, "Eka vanhu hinkwavo, kutava ni mamiliyonu ku andzisa hi mamiliyonu ya lava va nga tava va ri vakhongeri ngopfu va nga ta hambukisiwa." Lava va nga taka va nga hambukisiwi hi lava va nga ta ta etikweni ra xitshembhiso, lava ku nga si va ni masungulo ya misava a kuri ni mavito ya vona eBukwini ya Vutomi ya Xinyimpfana, kutani va ta etikweni ra xitshembhiso, kutani va tiphina ha rona.

¹¹¹ Vanhu votala va chava leswaku u ya va ni maendlelo lawa ya nga riki lamanene. Vanhu votala va chava leswaku Moya wo Kwetsima wu ta va endla swin'wana leswi u—u nga tava ni tingana eka vanhu. Vanhu votala va chava leswaku va ta rila, kutani ni varhandziwa va vona va ta va vona vari karhi va rila, kumbe mhani, kumbe makhelwani wa wena, kumbe boso ya wena yi ta ku vona.

¹¹² Mi nge ndzi mi byela hi wanuna un'wana siku rin'wana, hi nga si pfala. Akuri ni wanuna hi vito ra Davhida, kutani loko areka ya Xikwembu ya ha ri etikweni ra va-Filista, kutani Yi ta yi tsemekanya, yi ta areka yi ri karhi yi kokiwa, havi ya khale a yiri eku kokeni, loko Davhida a vona areka yaleyo loko yi ta, a ri ni nguvu nyana leyi a yi ri eka yena, u tsutsumerile lahaya, a fika a rahela nenge wa yena emoyeni, a tlulatlula, a huwelela a ri karhi a tlulatlula, a cina a tlula a cina. Kutani, yena, hosi ya Israel! Kutani nsati wa yena a languta ehandle hi fastere kutani a n'wi vona a ri karhi a endla maendlelo yo chavisa, a n'wi nyenya. Hikokwalaho ka yini, a nga hava a teri, "Xiphukuphuku lexi! N'wi voneni lahaya, hi ndlela leyi a endlisaka xiswona, a ri karhi a rahetela emoyeni, niku tlulatlula hinkwako ni maendlelo yo fana ni ya lawa. Hikokwalaho ka yini, a nga hava a penga!" Kutani madyambu ya lawa loko a nghena, wansati u teri, hi marito yo fana ni lawa, "Hikokwalaho ka yini, u ndzi nyumisile. Hikokwalaho ka yini, wena, hosi, nuna wa mina, ehandle lahaya, u va ni ma endlelo ya lawa!"

¹¹³ Davhida a ku, "Mundzuku ndzi ta endla swo antswa kutlula sweswo. Ina, nkulukumba!" A ku, "Xana a wu swi tivi leswaku a ndzi cinela Hosi?" U tsemekanyile! A ri etikweni

ra xitshembhiso. A lahlekeriwile hi switayele swa yena hinkwaswo ni thyakiso wa misava. A tsakile ngopfu hiku tiva leswaku areka yi ta eka doroba leri ri nga ra yena.

¹¹⁴ Kutani, oho, ndza mi byela, vanhu van'wana va chava ku amukela Moya wo Kwetsima, va chava leswaku va nga ha vulavula hi tindzimi. Va chava leswaku un'wana a nga ha ku, "Sweswi, hi un'wana wa vanhu va tindzimi." Va chava ku ta ekerekeni va ta khuvuriwa hi Vito ra Yesu Kreste, hikuva va na tingana ha Wona. Uh! Oho!

¹¹⁵ Un'wana u teri ndzi fanele ku tlhela ndzi vitana tithepi ta mina, hikuva ndzi chumayerile hiku khuvuriwa hi Vito ra Yesu Kreste. Xana a ndzi ngari eku tivitaneni. Ndza ha endla to tala! Sweswo hi swona, hiswona, ku ti endla ti tala! Yaleylo i Bibele. Loko va nga swi rhandzi leswi hi swi endleke tolo, ntsena langutani leswi hi yaka eku swi endleni mundzuku! Walowo i nchumu lowu wu nga ta endliya, wa vona, ntsena tshamelani ro ya emahlweni. Akuna makumu eka swona, hikuva i swa Hosi. I Xikwembu.

¹¹⁶ Xana maswitiva leswi Xikwembu xi swi endleke? Xikwembu xi langutile ehansi xi ri eMatilweni, Xi ku, "Davhida, u wanuna loyi u nga endzhaku ka mbilu leyi Yi nga ya Mina." Davhida a nga ri ni tingana. A ri nandza wa Hosi. A rhandza Hosi. Kutani a ntsakile ngopfu, a tsaka hiku tlurisia, ku fikela laha a nga ha ehleketa hi nkucetelo wa ximunhu.

¹¹⁷ Maswivona, tani hilaha ndzi vuleke eka nchumayelo wa mina mixo lowu, hi chava ngopfu, leswaku, hi lava Saul a ta hi dyondzisa, hi lava Saul kusuka eka seminari yin'wana ku ta hi byela leswi hi nga swi endlaka hi vukhongeri bya hina ni leswi hi nga byi endlisaka xiswona. Lebyi byi nga eka tlhelo rin'wana ra Yordan. Eka tlhelo leri, Moya wo Kwetsima wu hi fambisaka. N'wina mi nga lahwani mi le handle ka thyaka lero. N'wina mi nga lahwani a mi na mhaka ni leswi va swi ehleketa. N'wina lahwani mi file, kutani vutomi bya n'wina byi tumbetiwile eka Kreste hi... byi lemeriwa hi Moya wo Kwetsima. A mi na mhaka. Mi hanya eKanana. Mi nga ha yimela vele ra kahle. Mi xivumbiwa lexintshwa eka Kreste Yesu. Mi boheleriwe tiko ra xitshembhiso.

¹¹⁸ Ndzi tsundzuka loko ndza ha yimile lahaya, Makwerhu Collins, man'wana malembe ya makume nharhu lawa ya hundzeke, loko kereke leyi yi nga si akiwa. A kuri nhlengeletano ya xitendani yi tshamile lahwani ekhoneni, nhlengeletano ya mina yo sungula. A ndzi ri eku chumayeleni ka Evhangeli yona ya leyi, nchumu wun'we, rifuwo leri ri nga lavisesekiki ra Kreste, nkhuvulo wa mati hi Vito ra Yesu Kreste, hi rikarhi hi pfumela Rito rin'wana ni rin'wana leswaku ri Ntiyiso, nkhuvulo wa Moya wo Kwetsima, ku hanyisiwa ka Matimba, matimba ya Xikwembu, ntsena tani

hilaha ndzi Ri chumayelaka sweswi, a ri kalanga ri hambanana na swintsongo eka Rona. Xikwembu xi ndzi hlavuterile hi vunyngi bya Rona, swingaleswi, tani hiloko Xi Ri hlavutela, ntsena ndzi tshamela ro Ri tisa ri ya emahlweni. A Xi kalanga xi susa eka leswi a swi ri kona, ntsena Xi tshamela ro engetela eka Rona.

¹¹⁹ A ndzi yimile kwalahaya loko kwalomu ka ntihanu wa madzana wa vanhu va yimile eribuweni, va ri eku yimbeleleni, “Eribuweni ra gamboko ya Yordani ndza yima, niku hlongola tihlo leri navelaka ngopfu, eKanana leri hetisekeke tiko ra ntsako, laha rifuwo ra mina ri nga kona. Loko ndzi ta fikelela ribuwa lero ri hanyeke kahle niku katekisiwa hilaha ku nga heriki, loko ndzi ta fikelela nikuva eka Tatana wa mina... niku wisa hilaha ku nga heriki?” Loko va ta sungula ku yimbelela sweswo, a ndzi ri eku tekeni ka jaha ni ri nghenisa enambyeni ni ri khuvula hi Vito ra Hosi Yesu. Ndzi ku, “Tatana wale Tilweni, tani hilaha ndzi tisaka jaha leri eka Wena ehenhleni ka ku tivula ka yena...” Ntsena jaha, hi vumina, ndzi na xona xifaniso xa kona ekaya. Ndzi ku, “Loko ndzi n’wi khuvula hi mati, Hosi, ehenhleni ka ku tivula ka yena, hi Vito ra Yesu Kreste N’wana wa Xikwembu, U n’wi tata hi Moya wo Kwetsima.” Kutani hi nkarhi walowo Swin’wana swi ta hiku hunga, kutani kwalaho Wu ta wu enhla hi xihuhrui, Nyeteleti yo Vangama ya ni Mixo yi yima lahaya. Kwalahaya ku yima Rivoni leriya mi ri vonaka lahaya exifanisweni. Ri yima kwalahaya.

¹²⁰ Ri rhendzelekile na misava, hi ndlela yale Canada ni hinkwako. Va teri, “Rivoni ra xihundla xa ximoya ri humelerile ehenhla ka ministara wa lokhali wa Baptist loko a ha ri eku khuvuleni.”

¹²¹ Endzhaku ka masiku nyana lawa ya hundzeke, loko Dokodela Lamsa a ta ta eka mina, kutani a nga kalanga a tiva nchumu ha sweswo, kutani u ndzi tiserile xifaniso, lexi makwerhu a nga na xona lahaya sweswi. Xana u na xona xifaniso lexiya xana? Xana u yi khomile Bibele, yi lahaya, xile bukwini ya wena? Hinkwaswo swi kahle. Ku ni xifaniso xa mudyuhari wa khale wa mu-Heveru xa sayini ya Xikwembu, ntsena kufanana ni leswi swi humeleleke emasikwini ya Job, Bibele yi nga si tsariwa. Xikwembu a xi ri eka Mintumbuluko yi nharhu ya Xona, ku nga ri swikwembu swinharhu. Xikwembu Xin’we eka Mintumbuluko yi nharhu. Tatana, N’wana, ni Moya wo Kwetsima, tihofisi tinharhu leti Xikwembu xi tirheke eka tona. Ku nga ri swikwembu swinharhu, Mintumbuluko yi nharhu! Kutani lahaya a Yi ri kona. Loko wanuna yaloye wa kahle, Dokodela Lamsa, muhundzuluxi wa Bibele ya Lamsa, loko a tava a vurile mixo walowo. Loko ndzi tava ndzi n’wi hlamuserile sweswo, ndzi ku—ndzi ku, “Xana i sayini ya yini yaley?”

¹²² A ku, "Yaleyo i sayini ya khale ya Xikwembu, eka mu-Heveru. Xikwembu, Xikwembu xin'we eka Mintumbuluko yi nharhu."

Ndzi ku, "Tani hi Tatana, N'wana, ni Moya wo Kwetsima?"

¹²³ U yimile, kutani a veka khabu ya yena ya kofi ehansi, a ndzi languta. Gene, ndza pfumela a wuri kona, Leo. A ku, "Wa swi pfumela sweswo?"

Ndzi ku, "Hi mbilu ya mina hinkwayo."

¹²⁴ A ku, "Madyambu ya tolo, ku yima enhlengeletanwini ya n'wina, Makwerhu Branham, ndzi vonile ku xika kwaloko. A ndzi nga si tshama ndzi swivona eAmerika, etikweni ra mina." A ku, "Vanhu lava va Amerika a va yi tivi hambi kuri ku yi tiva Bibebe. Nchumu lowu va wu tivaka ntsena i dinominexini ya uona. A va switivi hambi kuri ku tiva laha va nga yima kona." A ku, "A va tivi nchumu." A ku, "Kambe loko ndzi tava ndzi yimile kwalahaya madyambu ya tolo," u teri, "Ndzi ku . . ." Sweswi, Makwerhu Gene, ntsena ndzi vula leswi hi xichavo ni rirhandzu ni hi sweswo. A ku, "Ndzi ku, 'Yaloye u tava a ri muprefeta.' Kambe loko ndzi swivona leswaku u pfumela leswaku Tatana, N'wana ni Moya wo Kwetsima a hi swikwembu swi nharhu, kova Mintumbuluko ntsena, kwalaho ndza switiva leswaku i muprefeta wa Xikwembu, kumbe a swi nga ta hlavuteriwa eka n'wina tani hi sweswo." A ku, "Yaleyo hi yona sayini leyi hetisekeke." A ku, "A ndzi se tshama . . ." A ku, "A hi wena wa oneness xana?"

¹²⁵ Ndzi ku, "Ee, nkulukumba. A ndzi wa oneness. Ndzi pfumela eka Xikwembu kuva xi ri Xikwembu xa Matimba hinkawo, kutani Mintumbuluko yi nharhu ntsena kova tihofisi tinhарhu leti Xikwembu xin'we xi hanyakа eka tona."

¹²⁶ A ku, "A ku katekisiwi mbilu ya wena!" A ku, "Siku rin'wana u ta halata ngati ya wena emisaveni hikwalaho ka sweswo, kambe," a ku, "vaprofeta minkarhi hinkwayo va fa hikwalaho ka swivangelo swa bona."

¹²⁷ Hiloko ndzi ku, "Swingaleswi a swi ve tano, loko swi tsakisa Hosi ya mina." Muhundzuluxi wa Bibebe ya Lamsa.

¹²⁸ Oho, i ntiiyiso. I kangani, ndzi swi vula eka kereke ya leyи, tani hi Samuel a nga swivila va nge si hlawula Saul, "Mi nga si ya ehandle mi ya joyina dinominexini yin'wana sweswi, kutani u kumeka u bohiwile hinkwako hi vukhongeri bya muxaka wun'wana, hikokwalaho ka yini u nga pfumeleri Moya wo Kwetsima wu ku fambisa?" Hikokwalaho ka yini u nga teki Xikwembu kuva Murhangeri wa wena kutani u pfumelela Xona xi ku katekisa, kutani u rivala hi dinominexini ya wena. Sweswi, a ndzi vuli leswaku u nga vi wa dinominexini yin'wana ya kereke, u nga hava wa yin'wana leyи u yi lavaka. Sweswo swile ka wena. Kambe ndza ku byela, tani hiloko

u ri wexe, pfumelela Moya wo Kwetsima wu ku fambisa. U hlaya Bibebe. Ni leswi Bibebe yi nge u swi endla, u swi endla. Xikwembu a xi ku katekisi.

¹²⁹ Kutani sweswi ndzi hlwerile ngopfu. Ndzi nga hlamala loko kuri ni un'wana lahawani loyi a lavaka ku ta eka layini ya xikhongelo ku ta khongeleriwa. Loko va ri kona, mi nga ha yimisa mavoko ya n'wina. Ntsena un'we, vambirhi, vanharhu. Swikahle. Tanani haleno hinkwerhu kutani mi yima lahawani loko mi swi tsakela, eka lowu nkarhi, kutani—kutani hi tava na xikhongelo. Kutani hi... A ndzi mi lavi mi famba sweswi. Ndzi lava ku endla swin'wana ximfumo lahawani ntsena hi—hi nga si pfala.

¹³⁰ I vangani lava va tsakelaka ku hlaya Buku ya va-Galatiya... oho, ndzi vula va-Efesa? Sweswi, madyambu ya Ravunharhu, hi taya eka Xilemo. Kutani hi Sonto lowu wu landzelaka ni mixo, hi ya eka ku veka kereke endhawini ya yona. Oho, loko... Kumbexana hi ta nghena eka sweswo, hi Ravunharhu lowu wu taka ni madyambu, eka n'wina vanhu lahawani eJeff. Hi veka kereke endhawini laha yi faneleke ku va kona, yin'wana ni yin'wana. Leswi hi nga vitanisiwa xiswona hi ku hlayisiwa. Xikwembu xi hi hlayisile xi hi endla vana va xona, hi vana hiku tswariwa. Hi endliwile vana hi vekiwa endhawini hi Moya wo Kwetsima. Langutani! Un'wana ni un'wana a ri mu-Heveru, loko va tsemekanya nambu, kambe Joshuwa u avile tiko kutani a nyika un'wana ni un'wana tiko ra yena kuya hi ririmbi ra manana wa yena eku tswariweni, laha Moya wo Kwetsima wu nga byela wansati.

¹³¹ Langutani Yakobo loko a ri eku feni, muprefeta, wa bofu, a kokela milenge ya yena emubedweni, a ku, "Tanani n'wina vana va Yakobo kutani ndzi ta mi byela laha mi nga tava kona hi siku ro hetelela." Wa kwetsima! Oho, ndza swi tiva swi nga ha endleka ndzi languteka ndzi chavisa. Vanhu va nga ha languteka va chava. Kambe, oho, kambe loko ntsena mi nga tiva xi-xi xitshembhiso, ku-ku tshwa etimbilwini! "Tana ndzi ta ku byela laha u nga tava u ri kona hi masiku yo hetelela." Kutani ndzi nga ha teka Matsalwa yo fana, niku teka mepe wa laha va-Yuda va nga tshama kona namuntlha ni swi kombisisa eka n'wina leswaku vale ndhawini leyi yi vuleke hi Yakobo laha a nge teri va tava va ri kona hi siku ro hetelela. Kutani a va kalanga va swi endla, kwalahaya, a va kalanga va va eka ndhawu ya leyo kufikela laha va tlhelaka hi Mudyaxihi hi ra vukombo, 1946, hi vusiku lebyi Ntsumi ya Hosi yi humelerile eka mina ehenhla lahaya kutani yi vula mixini lowu. Kutani ndzi nga ha mi kombisa sweswo, loko va ta tlhelela endzhaku etikweni lerintshwa, va be kona ndhawu leyi Yakobo hakunene a nga teri va ta tshama eka yona. Kutani kwalahaya va tshamile kona namuntlha. Oho, oho, mina, oho, mina! Siku rin'wana hile kusuhi nile Kaya, hinkwerhu.

¹³² N'wina vanhu lava va rhandzekaka, ma tivabyela, kumbe a mi fanele mi nga yimanga kona kwalaho mi nga yima kona. Ndzi makwerhu wa n'wina. Ndzi na xileriso lexi xi humaka eka Xikwembu ku khongelela vavabyi. Ku nga ri tani hi... tani hilaha ndzi nga na matimba yo hanyisa, a ndzi tano. Kumbe ndzi na matimba ya xikhongelo. Tani hilaha ndzi swi vuleke leswi emixweni lowu, Davhida a nga kalanga a va na nchumu kambe xipelupelu xintsongo, kambe u teri, "Ndza switiva leswaku ndzi ta endla yini hi matimba ya Xikwembu lawa ya nga eka xona." Wa vona? Ndzo va na xikhongelo nyana lexi ndzi ku nyikaka xona, ni mavoko ya mina ku mi tlhandleka wona, kambe na switiva leswaku ripfumelo leri ri nga eka Xikwembu ri ta swi endla. Ri endlerile van'wana, ri ta mi endlela na n'wina. Ma swi pfumela sweswo sweswi tani hiloko ma ha huma, ntsena ku tshunelela ndhawu swintsongo.

¹³³ Sweswi, ndza hlamala, ku endla leswi leswaku swi va ni xivangelo, loko ndzi nga n'wi kombeli makwerhu wa mina leswaku a ta lahawani a ta va tota hi mafurha ya ntoto. Xana a wu ta swi endla, Makwerhu Neville? Ndzi ta kombela kereke yi korhamisa tinhloko ha ha khongela.

¹³⁴ Sweswi tsundzukani, vhiki leri nga hundza loko ndza ha hlambisiwa timbilu hi khasta oyili yaleyo ya khale, a ndzi ta nyika swin'wana ni swin'wana loko un'wana a lo hundza hikwala kusuhi a ndzi tlhandleka mavoko. Loko a ndzi vile na un'wana loyi a nga tshunela ekusuhi, loyi Xikwembu xi nga n'wi katekisa niku n'wi pfuna, a ndzi ta swi amukela swinene. Hinkwerhu mi swi twisa leswi a ndzi swi twisa xiswona. Sweswi mi ti twa mi lava leswaku ndzi endla tani hi laha a ndzi lava un'wana a ta ndzi endlela swona na mina. Xikwembu xi swi siverile a ndzi tshamile ndzi nga tirhi. Xa ndzi pfumelela minkarhi hinkwayo, hambi ndzi karhele, loko ndzi hela matimba, loko hi ku tika ndzi tsandzeka ku tlakusa nenge kuya eka lowu wun'wana, wa ndzi pfumela ndzi famba, hikuva ndzi ya eku hlanganeni ni un'wana ni un'wana wa n'wina nakambe, eTikweni lero lahaya.

¹³⁵ Kutani n'wina va kokwani va xisati, ni va xinuna, mi gogojelaka, misisi i timpfi yi tlhela yi hluveka, yi hluveka yi va swiphemu-phemu tani hi xiluva lexi xi pfuleke matluka ya xona, mazuzeka ya wela ekule, ntsena mi ya va swiphemu-phemu, a mi tano xana? Sweswo hi swona. Ntsena... Kutani nchumu wun'we mi wu lavaka ku tshama na wona i ku hatima ku kwetsima ka Xikwembu. Kutani loko nala a mi khomile niku mi humesela ehandle, ndzi le kuteni na xipelupelu xa Xikwembu, hi ripfumelo, ni nyiko leyi Xikwembu xi nga ndzi nyika yona. Lahawani hi leswi leswi ndzi swi vulaka, leswaku mi ta kota ku swi twisisa. Ndzi teri, "Loko ntsena Petro a lo nghena, kumbe un'wana wa vona." Mi nga swivuli sweswo. A mi fanelanga ku ndzi khongelelela. Ntsena nghanisani xi

leswi, niku vula leswi, tani hi le ka wansati loyi, a ku, "U Sesi *Swingere-ngere*?" Hi wena mani vito ra wena? Sesi Howard. A ku, "Hi wena Sesi Howard. U mupfumeri, Sesi Howard? Wa pfumela xana. Xana u mupfumeri xana. Manuku, maswivona, u na nfanelo eka mikateko hinkwayo leyi kutsulaka." Kutani ndzi nga ha vula leswi, "Sesi Howard, swin'wana ni swin'wana swi tava kahle," niku fambela ekule. Oho, njhani... Ndzi ku, "Ndzi nga ba nkalanga, ndzi nga huwelela." Ndzi nga ha ku, "Hosi, ntsena swi fanele kuva tano. Swi fanele kuva tano."

¹³⁶ Hiloko ndzi ehleketa, "Kunene, vanhu va ehleketa sweswo swo fana loko ndzi ta eku va khongeeleni." Swingaleswi sweswo swi tano. Maswivona leswi ndzi swivulaka xana?

¹³⁷ Kutani ndzi yimile, minkarhi yo tala, ni teka vanhu, kutani ndzi ku, "Oho, sesi wa kahle, xana u ta Swi pfumela xana? Oho, xana u ta Swi pfumela xana?" "Hosi, O Xikwembu, va endli va Swi pfumela. Vana na vona leswaku va Swi pfumela." "Oho, ndza kombela, xana mi ta Swi amukela sweswi xana?" Sweswo a hi swona. Ndzi hundzile eka sweswo. Ndzi hundzile eka sweswo.

Ntsena ndzi vula leswi, "Sesi Howard, xana u mupfumeri xana?"

"Ina, ndzi yena."

¹³⁸ "Swi kahle, Sesi Howard, loko u ri mupfumeri, u mudya-ndzhaka wa hinkwaswo leswi Xikwembu xi nga na swona." Kutani ntsena ndzi teka voko ra yena. Wa vona, ndzi pfumela sweswo. Ndzi tihlanganisa na Sesi Howard hiku tlhandleka mavoko ya mina ehenhleni ka yena. Yesu a nga kalanga a ku "va khongeeleni," U teri, "Ntsena va tlhandlekeni mavoko." Sweswo hi swona, kutani a kuma ku hanyisiwa. Wansati a nga ha ku, "Swin'wana ni swin'wana swi tava kahle," Sesi Howard. Kutani u nga ha tiyela ekaya u hanyile. Xikwembu a xi ku katekisi.

¹³⁹ U sesi... [Sesi a ku, "Hampton."—Muhleri.] Sesi Hampton, xana u mupfuneri, a wu yena xana? ["Ndzi yena."] U mudya-ndzhaka wa hinkwaswo leswi Xi nga na swona. Xikwembu a xi ve na wena, Sesi Hampton. Yana ekaya u hanyile sweswi. Yesu Kreste u ta ku hanyisa.

¹⁴⁰ U sesi... [Sesi a vulavula—Muhleri.] Slaughter. Sweswo... U n'wana wa lava hi nga va khongeela exibedlele. U mupfumeri, kutani, Sesi Slaughter, u mudya-ndzhaka wa hi nkwaswo leswi hi swi kombelaka. Sesi Slaughter, u nga ha amukela leswi u swikombeleke, kutani u hola. Xikwembu xi ta ku nyika swona.

¹⁴¹ Makwerhu Gene, wa pfumela leswaku Xikwembu xi ta ku nyika xana? [Makwerhu Gene a ku, "Ina, nkulukumba. Ina nkulukumba"—Muhleri.] Kutani i nga ku Hosi Xikwembu xi nga ku nyika swona, Gene, leswi u swi kombelaka!...?...

¹⁴² Ndza ku tiva. [Sesi a vulavula—Muhleri.] U mupfumeri, sesi. ["Oho, ina."] Ndza ku tiva. Nuna wa wena hi luya lahaya. Hi un'wana wa lava ndzi va khongeleteke hi foyini siku rin'wana. Minkarhi hinkwayo ndza switsundzuka sweswo. A tsandzeka ku ya enhlengeletanwini eTulsa. Ku ta enhlengeletanwini. Kutani Hosi yi n'wi hanyisile, yi n'wi yisa enhlengeletanwini. U yime hi hikokwalaho ka un'wana. ["Ntukulu wa mina."] I Mukreste wa xi yini, sesi! Wa vona? U yimela yena. U hi yimerile hinkwerhu ka hina. I mupfumeri nakona u ni nfanelo ya hinkwaswo leswi Xikwembu xi swi tshembhiseke. Ndzi nandza wa Xona. Nakona hikokwalaho ka Vito ra Yesu Kreste, ndzi ku nyika leswi u swikombeleke. ["Ndza swi pfumela."]

¹⁴³ Tana, Makwerhu Neil. Xikwembu a xi ku katekisi. A swi ku chavisa ku saseka. I mupfumeri. Ndza switiva leswaku u yena. Ndza pfumela leswaku Xikwembu xi ta ku nyika hinkwaswo leswi u swikombelaka, hikokwalaho ka kuva u ri mupfumeri. Ni hi laha u nga nandza wa Xona, wena, makwerhu wa mina, hi Vito ra Yesu Kreste, ni ku nyika ku navela ka mbilu ya wena. Famba u ya swi amukela. Xikwembu a xi ku katekisi.

¹⁴⁴ Sesi Bruce, ndza ku tiva. Muongori lontsongo loyi a nga tshama a ndzi rhaba nhlana wa mina na ku tiva. U huma lahaya ehansi ekusuhi ni Motel JJ, Twin J, kumbe swin'wana swo fana ni sweswo. U ta yimela van'wana. Kutani hi kwihi ku tsakela ka wena madyambu lawa eka Tatana wa wena xana? [Sesi Bruce a ku, "Hi yumina, madyambu lawa."—Muhleri.] Hi vuwena, madyambu lawa. [Sesi Bruce a vulavula nakambe.] Kutani, nala a ku jekile ku vandzamela eka dokodela, kambe ndzi ta hi le ndzhaku ka wena, ni xipelupelu. Kutani hi Vito ra Yesu Kreste, ndzi kongomisa nseve wa xipelupelu eka ribyi leri ri nga eka tinsu leti ti nga eka xiyimo lexi xi pfalekeke. Xi ta ku vuyisela endzhaku eka Xikwembu, endlwini ya Xona.

Ha Ku kombela, hi Vito ra Yesu Kreste. Amen.

¹⁴⁵ U tatana wa wanuna loyi xana, nkulukumba? I mupfumeri xana? [Makwerhu a vulavula—Muhleri.] Ku tshoveleleka ka timbambu ta wena; ku ya ehansi, nakona etimbambini ta wena tale ximatsini. Wa pfumela leswaku Xikwembu xi nga ku nyika swona, nkulukumba, ni hi laha u nga nandza wa Xona?

¹⁴⁶ Hosi, mavoko lawa ma nga hava matirhile mintirho yo tika yo tala ya siku. Ma ta lahwani hi xikongomelo, ku ta endla swin'wana. N'wi nyike, ku tsakela ka mbilu ya yena, Tatana, tani hi laha ndzi khongelaka hi Vito ra Yesu leswaku U ta swi endla. Amen.

¹⁴⁷ U nga kanakanani. Ku tshoveleleka kwalaho ku ta yima ku ku karhata, kutani u ta hola. Xikwembu a xi ku katekisi makwerhu.

¹⁴⁸ [Sesi a ku, “Swi ni vavisa nhloko ni nkolo wa mina. Swi ni vavisa timbambu loko ndzi khohlola. A ndzi swikoti ni ku yimbelela. A ndzi koti ku endla nchumu. Ndzi . . . Nakona a ndzi swikoti ku etlela nkarhi wo leha. A ndzi swikoti hambi ku ri ku endla xa n’wa nchumu.”—Muhleri.] U mupfumeri, a wu yena xana? [“Ndzi yena. Ndzi tatiwile hi Moya wo Kwetsima.”] U mupfumeri. [“Ndza switiva leswaku Xikwembu xi tshama eka wena.”] Nakona u—u mudya-ndzhaka wa minkateko leyi hinkwayo. [“Ndza switiva. Nakona ndza pfumela. Ndzi pfumela eka swikhongelo swa wena, Makwerhu Branham. Ndza pfumela leswaku Xikwembu xi ta ndzi horisa. Ndza pfumela leswaku Xa hlamula swikhongelo swa wena.”] Ndza khensa.

¹⁴⁹ Tatana, ndza n’wi tisa, sesi wa mina, elayinini ya ndzilo, exikarhi ka xikongomiso. Kutani ndzi n’wi vuyisela eka wena, kusuka eka ku holovisana ka nala, hi Vito ra Yesu Kreste. Amen.

¹⁵⁰ Yaleyo hi yona ntsena ndlela leyi yi nga tava xiswona. [Sesi a ku, “Ina, Makwerhu Branham.”—Muhleri.]

¹⁵¹ [Sesi a ku, “. . . ? . . . Ndzi ni hawu leri ri faka, kutani leri n’wana hawu ri file.”—Muhleri.] Vuhandzuri bya hawu.

¹⁵² O Hosi, tani hi laha wansati loyi lontsongo a yimeke lahawani, hambi leswi a nga eka xivumbeko xa vuntshwa, ndza n’wi khongelela. Ni hawu leri a ri fanele ku humesiwa, kutani a nga ha kota ku korhama, vutomi bya yena hinkwabyo. U Tatana wa hina, kutani mina ndzi mutshiveleri wa xikhongelo xa ndzilo eka yena, Hosi, ku kongomana ni hawu lero. Ndzi rhumela xikhongelo lexi hi Vito ra Yesu Kreste. Leswaku xi nga ha ba hawu lero xi ri horisa. Hi Vito ra Yesu Kreste, ndza swikombela leswi. Amen.

¹⁵³ U sesi . . . [Sesi a ku, “Sesi Gibbs.”—Muhleri.] Sesi Gibbs. [“Hi ku kongoma enhlokweni, kutani u twa ku panda ka yona.”] Hakunene. Nhloko ya wena yi sukile eka mina. U mupfumeri ni mudya-ndzhaka wa hinkwayo minkateko ya Xikwembu, Sesi Gibbs.

¹⁵⁴ Hosi, ndzi n’wi tisa eka Wena, hi xipelupelu xintsongo lexi U ndzi nyikeke xona, tani hi laha U nyikeke Davida xipelupelu, ku langutela tinyipfu ta tata wa yena. Kutani loko nala a hlongorisa nyipfu, a nga chavi. A khoma xipelupelu xexo lexi ntsongo a hlongorisa tinghalia na—na tibere, kutani a vuyisela nyipfu endzhaku. Lexi i xikhongelo xa ripfumelo. U ndzi byerile leswaku loko “ndzi nga kuma vanhu lava nga pfumelaka niku tshembheka.” Ndzi vuyisela Sesi Gert endzhaku madyambu lawa. Ndza n’wi vutla emavokweni ra nala. I nyipfu ya Wena. Ndzi n’wi tlherisela entshangeni ra Tatana, hi Vito ra Yesu Kreste. Amen.

¹⁵⁵ [Sesi a ku, “Sesi Lowe.”—Muhleri.] Sesi Lowe. [“Ndzi ni ntshikelelo wa ngati.”] Ngati leyi yi tlakukeke. Kutani u mupfumeri, a wu yena xana, Sesi Lowe? Mudya-ndzhaka wa minkateko hi nkwayo.

¹⁵⁶ Kutani, Tatana, Xikwembu, ndzi navela xikhongelo lexi namuntlha, tani hi laha xihumaka eka xipelupelu xa Xikwembu, eka ngati leyi yi tlakukeke ya Sesi Lowe. Kutani nkarhi lowu taka n’anga yi nga ha kambela ku tlakuka ka ngati, leswaku a nga ha n’wi languta a ku, “Yi kahle sweswi.” U ta switiva leswaku i mani a swi endleke. Hi Vito ra Yesu Kreste, ndzi n’wi nyika swona. Amen.

¹⁵⁷ [Makwerhu un’wana a vulavula na Makwerhu Branham—Muhleri.] Ina. Ndzi navela loko a ku ri na papa wa mina madyambu lawa, a ndzi ta n’wi khongeleta sweswi. Ndzi khongeleta na wa n’wina, nakambe. Ndza swi twisisa.

¹⁵⁸ Tatana wa le Matilweni, wanuna loyi a nga xikwembu xa jaha leri, loyi a nga lahayani emisaveni emadyambyini lawa hikokwalaho ka yena. Kutani jaha leri ri nga ra yena ri tsakela leswaku tata wa yena a vuyiseriwela endzhaku; endleleni leyi nga lahayna emisaveni ya vudyoho, ya xihoko. O Hosi, ndzi rhumela xikhongelo lexi hi ripfumelo ni ntamu, ni hinkwaswo leswi ndzi nga swikutaka eka swona, xiribiana lexi, hi Vito ra Hosi Yesu. Ndzi xi hoxa eka javulosi ya loye a vekeke nchumu walowo wu nga kumeka. Kutani wu nga ha famba. Kutani a nga ha vuya kahle a hlayisekile etshangeni, hi Vito ra Yesu. Amen.

¹⁵⁹ [Makwerhu a ku, “Ndzi khongeleti, Makwerhu Branham, leswaku ndzi va na Moya wo Kwetsima. Ndzi lava ku amukela Moya wo Kwetsima. Ndzi fanele. Ndzi ni ku tsakela. Ndzi fanele ku amukela Moya wo Kwetsima.”] U tsakela ku Wu amukela. U lava ku ta eTikweni leri switshembiso swi nga kona. [“Ina.”]

¹⁶⁰ Sweswi, Hosi, jaha leri ntsena ri tsemakanyile nambu, ri khempile entsungeni lowu n’wana, kutani Jordan ri kukumukile. Kutani ka ha ri hava ndlela leyi a nga tsemekanya ha yona handle ka Wena loko u nga endla ndlela tani hilaha U swi endleleke Joshuwa na Israel. Kutani, Tatana, ndza Ku kombela, tani hi nandza wa Wena, pfumelela makwerhu wa hina wa nkoka, O Xikwembu, n’wi pfumeleri a nghena eTikweni leri ra xitshembhiso, eka xitshembhiso lexi. Leswaku, entsungeni lowu wun’wana, tani hi laha a ndzi rhwariwile vusiku byin’wana, leswaku ndzi nga hava na nkateko wa ku n’wi khoma ndzi n’wi vukarha, eka Tiko lero rin’wana, ndzi ku, “Makwerhu wa mina wo hlawuleka.” Hi nyike swona, Hosi. Leswaku a nga ha amukela xitshembhiso xa Xikwembu, ku nga Moya wo Kwetsima. Amen.

¹⁶¹ O Hosi, eka loyi, makwerhu wa mina wo hlawuleka; voko leri ri nga va ni tintswalo eka mina, kutani ri ndzi endlerile

swilo, leswi ku nga vuriwangiki ha swona. Wa pfumela a tlhela a va ni ripfumelo. Kutani sweswi nala u ringeta ku swi ombo leswi, munghana wa mina; chukele; nakona u ehleketa leswaku a—a nga ombo jaha leri. Kambe ndzi ta hi le ndzhaku ka yena. Ndzi le kuteni, ku vuyerisela leswi nga swa Wena, Hosi, ndzi hoxa ribye leri hi xipelupelu hi ripfumelo leri hisekaka. Hi Vito ra Yesu Kreste ndzi ba vuvabyi byebyo bya chukele! . . . ? . . . makwerhu wa mina. Vuyisela nyipfu leyi nga ya Wena entshangeni, Tatana, hi Vito ra Yesu. Amen.

[Sesi Bell a vulavula na Makwerhu Branham—Muhler.]

¹⁶² O Hosi, sesi wa hina wa switiva leswaku lowu i ntikelو lowu hundzaka xikalo, kutani dokodela u teri, i nchumu lowu wu ku dlayaka. “Pondzho yin’wana na yin’wana, ku tika loku ku tlurisaka, ku teka lembe ku suka,” ku ya hi khalenda ya ndzindzakhombo. Kutani u lava ku hanya a ri karhi a xixima ni ku dzunisa Xikwembu. Nakona ku hava dokodela loyi a nga swi endlaka leswi, Tatana, Xikwembu. Swi ntsena eka—eka volo ra Wena. Kutani Sesi Bell u tshembhekile swinene. A tlhela a va ni tintswalo ni miringo, leyi a fambeke eka yona. U nghenile eka miringo yo tala yo tika. Ndzi ta eka yena madyambu lawa, Hosi. Ndzi ta eku hlanganeni na nala ya loye halahaya. Ndzi navela hi ku lulama hinkwako loku ndzi ku navelaka. Hi Vito ra Yesu Kreste ndzi hoxa ribyi lero ra ripfumelo eka nala loyi a nga n’wi khoma. Ri nga ha n’wi hangalasa, ri n’wi tsutsumerisela ekule na yena, leswaku a nga ha kota ku vuyelerisiwela eka ndzhuti wa madyelo ya rihlaza ni mati layo rhula, hi Yesu Kreste. Amen.

Swi tava tano, Sesi Bell. Ntsena u nga kanakani.

¹⁶³ Sesi Spencer. [Sesi Spencer a ku, “Makwerhu, Makwerhu Bill, ndzi yi rhandza ku antswa Hosi masiku hinkwawo ya ku hanya ka mina. Kutani a ndzi ta lahwani makume mbirhi wa malembe, endhawini leyi. Nakona ndzi horisiwile ntsena ekusuhni ni swin’wana ni swin’wana leswi swi nga ni mhaka na mina. Wa swi tsundzuka hinkwaswo ka swona, nakona . . . ? . . .”—Muhler.] Hakunene ndza pfumela, sesi . . . ? . . . [“Nakona U ndzi katekisile ngopfu! Kutani ndzi N’wi rhandza ku antswa, masiku hinkwawo ya ku hanya ka mina. Ndza switiva ndzi ni vutomi bya kahle eHosini.”] Ndza swipfumela sweswo, Sesi Spencer. [“Ndzi tsakile. Ndzi tsakile! Loko kuveni a hi wona Moya wo Kwetsima lowu ndzi nga na wona, ndza—ndza ha ri eka altari ya swin’wana ni swin’wana leswi A nga ni khomela swona. Kutani ni ta fela e altareni.”] Amen. [“Kwalaho hi laha ndzi laveke hendlele ya rivanti, yo fela e altarini na Yesu.”] Amen. Xikwembu, n’wi nyike swona. Amen. [“Kutani ndzi ta mi byela leswi ndzi lavaka leswaku mi swiendla. Ni le ndleleni, ndzi teka ndyangu hinkwawo ndzi wu tisa laha ndzi nga kona. Kambe ndzi lava ndyangu wa

mina hinkwawo, maswitiva.”] Ndza switwisia. [“Ndzi lava varhandziwa va mina leswaku va ponisiwa.”] Vana va n’wina. Sweswo hi swona. [“Ni vana va mina.”] Ina, manana. [“Ni yindlu ya mina.”] Ina, nkulukumba. Ndza switiva. [“Ndzi ni vutitwi bya leswaku va kahle.”] Ina. [“U hi khongelerile.”]

¹⁶⁴ Hinkwerhu hi tolovelane na yena Sesi Spencer, ni kutiva hilaha yena na Makwerhu Jess va tiyiseleke eku tikeriweni, kambe loko va ta ekerekeni kwalahawani. Loko ndzi tsemekanyela ntsunga lowu n’wana, a ve nge he deyi eka leswi. Vatava va ri lavantsongo. Oho! Makwerhu Jess, loko ntsena ndzi nga....?...maswitiva. Kutani hinkwerhu maswitiva leswaku njhani, ntsena—ntsena ku tsemekanya loku ntsongo....?...halahaya, u tlhelela endzhaku eka vunhwana byebyo nakambe, kutani Makwerhu Jess a ya eka vujaha. Xikwembu xi mi tshembhisile.

¹⁶⁵ Sweswi, langutani. Ndzi lava ku mi nyika nyana swintsongo nyana swa dyondzo, loko ma hari wo hetelela lahawani, ndzi lava ku nyika.

¹⁶⁶ Hikuva, ndza switiva leswaku loyi i xijahetani xa wena, Charlie. U n’wi lava leswaku a khongeleriwa xana? [Makwerhu Charlie a ku, “Ina.”—Muhleri.]

¹⁶⁷ Ndzi lava ku vula nchumu lowu wun’we. Mi tshame mi hlaya eMatsalweni laha Bibele yi vulaka sweswo xana? Paul u byerile Ndhuna ya le Rhoma.

Xana mi ndzi twa kahle? [Nhlengeletano yi ku, “Amen.”—Muhleri.]

¹⁶⁸ U byerile mu-Rhoma, loko a ta humesa ripanga ra yena, leswaku a ti dlaya, loko Filipi a hari ekhotsweni. Kutani ku ninginika ka misa ku ninginisile khotso ku suka ehansi. A ku, “Pfumela eka Hosi Yesu Kreste, kutani wena ni yindlu ya wena mi ta ponisiwa.” Xana mikale mi switwa sweswo xana? [Nhlengeletano yi ku, “Amen.”—Muhleri.] “Wena ni yindlu ya wena.” [“Amen.”] Sweswi, languta. Loko u ri ni ripfumelo leri eneleke ku ti ponisa wena hi wexe, xana a wu ngevi na rona ripfumelo leri eneleke ra yindlu ya wena xana? [“Amen.”] Xikwembu, hi ndlela yin’wana, xi ta swi endla.

¹⁶⁹ Kutani, Hosi, ni khongeleta Sesi Spencer na Makwerhu Spencer, madyambu lawa, leswaku n’wana un’wana ni un’wana, vona ni vana va vona, leswaku va nga hava evukwetsimeleni byebyo, Tiko leri ra ntsako laha ku nga tako ku nga havi ni vuvabiyi kumbe ku dyuhala, a ka hari na maxangu kumbe mahlomulo, kutani hinkwabyo vutomi byi ntsongo lebyi byi ta nyamalala byi va milorho leyi nga hundza. Leswaku va nga ha amukela leswi, ni hi nkawavo vana va yena, ni nuna wa yena, hinkawavo varhandziwa va yena, ni hinkawavo lava va n’wi rhandzaka, ni hinkwaswo leswi a swi rhandzaka, leswaku va nga hava kwalahaya na yena, hi Vito ra Yesu. Amen.

¹⁷⁰ [Sesi Spencer a ku, "Amen. Ndza khensa."— Muhleri.] Xikwembu a xi ku katekisi. ["Ndzi ta va ni ri na makume nhungu-mbirhi, ku nga ri khale ngompfu."] Makume nhungu-mbirhi wa malebe hi vukhale. ["...?...Kambe va gogojela, hi nkarhi wolowo. Kambe ndza ha swi kota ku sweka, ku hlantswa, ni ku ayina, ni ku basisa yindlu."] Ntsena tani hi laha misava yi avanaka, Sesi Spencer. ["Ina, switano. Ndzi karhele, minkarhi hikwayo. Va swi kuma ...ndzi vutisile mhani wa mina, mhani wa mina loyi a nga riki wa ngati, yoloye a ri na makume nkaye wa malembe hi vukhale, u titwisa ku yini loko u dyuharile, nkama wo leha lowu nga hundza. U teri, 'Rose, nkarhi wun'wana u nga ha kumeka u karharile nkarhi hikwawo.' Ndzi karhele."] Kunene, ntsena u tilulamiserile ku ya eku wiseni, maswivona. ["Ndzi tshame ndzi karhele, nkarhi hikwawo. Ndzi lava ku wisa. Ndzi lava sweswo."] Ina, manana. ["Nakona ndzi lava ku wisela eHosini, ndzi khinsama hi matsolo ya mina. Hikwaswo, hikwaswo leswi ndzi swi lavaka."] Ina. Ntsena tshama u veke ripfumelo eka Yena, Sesi Spencer, kutani u ta tsemekanya. ["Ndzi lava ku fela e alitarini, hi Vito ra Yesu. Yaloye hi loyi ndzi tsakelaka ku n'wi vona, ku kondza A tshamela ku hi vitana ku ya emahlweni."] Kutani A ku... ["Ndzi lava hikwaswo leswi A nga ndzi khomela swona."] Nakona ntsena hi ntiyiso tani hi laha ndzi yimeke lahwani hi ndlela leyi na n'wina, madyambu lawa, Sesi Spencer, hi tintswalo ta Yena ndzi ku vona na Jess loko hi tsemakanya ndzelekano halahaya, a ri lontsongo a tlhela a hanye kahle. Hikwerhu mi tava mi ri eku tsutsumeni, mi ri karhi mi huwelela, "Makwerhu wa mina! Makwerhu wa mina!" ["Ina."] Ndzi ta mi vona.

Minsiha ya yena.

¹⁷¹ Tatana, Xikwembu, nhwana loyi una ku tshoveleleka, kutani u karhele ku dya mirhi. Kova yena ntsena, leswi n'wi sivelaka. Kambe ndzi ta ematshan'wini ya yena madyambu lawa. Ndzi ta eka Wena, Tatana. Ndzi ta, ndzi ri karhi ndzi kombela Wena ku pakanisa xibaleseli lexi ndzi, nga ta balasela. Leswaku xi nga ha hisekela hakunene, emisisini ya yena leyi holovaka ehlaneli. Leswaku xikhongelo lexi, hi Vito ra Yesu Kreste, bana ritukulu lero u ri handzula ri va swiphemuphemu, vuyisela endzhaku madyelo lawa ya nyipfu ya Xikwembu. Amen.

Swifanele ku va tano, murhandziwa.

¹⁷² [Sesi a ku, "Ntsena khongela. Ndzi ni vana va ntsevu lava ndzi va kombelelaka eka Xikwembu leswaku xi va hanyisa ni ku va ponisa."—Muhleri.]

¹⁷³ Xikwembu xa Matilo, nyika leswaku, vana va yena va ntsevu lava a tsakelaka leswaku va ponisiwa. U byi twile yumbhoni bya Makwerhu Daulton, hi vanhwana va yena

vorhandzeka. U tsakela vana va yena va ntsevu, Tatana. Leswaku a nga hava na vona. Leswaku va nga ha hlangana na yena eTikweni leri ringariki na munyama, leri nga hlaysia ri fuleriwa hi Ngati ya Yesu Kreste. Amen.

U nga hava na vona, sesi, i xikhongelo xa mina.

¹⁷⁴ [Sesi a vulavula na Makwerhu Branham—Muhleri.]

¹⁷⁵ Ndza ku pfumela. Kuhava nchumu, hi ku tika, wu nga swi pfunaka. Va vanyika swin'wana swofana ni, oho, swin'wana swo fana ni asetamin. I khotisone, va swi vitanisa xisweswo. Leswaku, sweswo swa midlaya, hakanyingi. Swi handzula ngati ya n'wina. Kambe, langutani. Wa vona, arthritis yi kotisa nghala leyi yi vhungheke nyimpfu yi suka yi tsutsuma. Sweswi, xana xipelupelu xi ta endla yini? Oho, mina! Kuni leyikulu, nghala leyi yi dumadumaka ni xinyimpfana. Nakona u rhandza xinyimpfana, swingaleswi u tsutsumile ni xinyimpfana. Kambe Davhida u tekile xipelupelu a yisala endzhaku. Wa vona? Sweswi langutani. U na maribye ya ntlanu: f-a-i-t-h, yena hi yexe, i-n. Xipelupelu xa yena a xi ri evokweni *leri*: J-e-s-u-s. Hi yena xipaleseli lexi dlayaka. Swin'wana swi fanele ku humeleta. A hi saleni arthritis yaleyo hi le ndzhaku, madyambu lawa, hi xikhongelo lexi. Leswaku Xikwembu xi nga ha mi nyika swona.

¹⁷⁶ [Sesi a vulavula na Makwerhu Branham—Muhleri.] U lava ku khuvuriwa hi Vito xana? ["Ee. Ee. A nga vulanga swona sweswo."] U lava leswaku yena a khuvuriwa. ["I ku tsakela ka mina ku n'wi vona loko a khuvuriwa."] Ndza khensa, sesi. Kungari hi leswaku yaleyo hi yona ndlela. Swi hikokwalaho... Sweswi, loko sweswo swi ri eBibeleni, swa, "Tatana, N'wana, na Moya wo Kwetsima," ndzi—ndzi nga swi pfumela sweswo, ndzi nga tshama kahle naswona, sesi. A—a ndzi swilavi leswaku ndzi va un'wana loyi a hambaneke. Ndzi—ndzi lava ku fanana. Ndzi nga ha tshika... ndzi—ndzi ta byarha vutihlamuleri eka sweswo, maswivona. Kutani ndzi fanele ku swivula hi ndlela leyi *Sweswo* swi swivurisaka xiswona; ku ngari leswaku ndzi hambana, kambe ku tshembheka.

¹⁷⁷ Sweswi, Tatana, hi ta eka varhandziwa va yena. Loyi a nga ni arthritis, kutani lahwani u n'wi lava leswaku a khuvuriwa hi Vito ra Hosi Yesu, hikuva walowo i nyangwa. Yaleyo i gede leyi pfulekeke. Kwalaho hilaha Yoshuwa a nga pfula ndlela yin'wana leyi yi tsemekanyelaka etikweni ra xitshembhiso. Akuri hava tindhawu timbirhi kumbe tinharrhu leti ti nga pfuriwa; a kova yin'we ntsena.

¹⁷⁸ Petro, hi Siku lero ra Pentekosta, loko Kereke yi ta khanguriwa ro sungula, a pfula xindledyana, a ku, "Hundzukani un'wana ni un'wana wa n'wina mi khuvuriwa

hi Vito ra Yesu Kreste." A va kalanga va hambana eka xindledyana xexo xin'we, un'wana ni un'wana u tsemekanyelete eka Tiko ra xitshembhiso.

¹⁷⁹ Un'wana wa vona u ringetile ku khavuleja, hi ndlela yin'wana ya nhlaluko, kutani Paul a ku eka yena, "Xana u khuvuriwile hi nkhuvulo wihi xana? Hi kwihi laha u ringetaka ku tsemekanya hi kona?"

Hiloko va ku, "E hansi lahaya Yohana a ku languteke."

¹⁸⁰ A ku, "Kunene, Yohana ntsena u lo kombetela nkarhi, ni ndhawu." Kutani loko vatava va switwile leswi, vakhuvuriwile eka nhlaluko wa kahle. Kutani va fambile va tsemekanya, kutani va amukela Moya wo Kwetsima, kahle.

¹⁸¹ Swi nyike eka sesi wa hina ni varhandziwa va yena, hi Vito ra Yesu Kreste. Amen.

¹⁸² Makwerhu Lyle. [Makwerhu Lyle a ku, "Ndza pfumela leswaku i mukhulu wa mampela, Makwerhu Branham."—Muhleri.] Oho, makwerhu! ["U tile...?...Wa tsundzuka leswi a swi rienorhweni, kwalahaya kutile swin'wana...?...Loko u vula norho, sweswo swi kahle. Walowo hi wun'wana lowu a ndzi ri na wona. Laha, minkarhi hinkwayo u lorhaka kahle! ...?..."] Ina. Walowo i nkarhi. ["Ina."] Ina. Ndzi tsakile...?... Xikwembu a xi ku katekisi. U le ndleleni yo ya eTikweni ra xitshembhiso sweswi! Kumbexani ndzi ta swikhumbha sweswo.

¹⁸³ I vangani va ha switsundzukaka loko vutirheli lebyi byi nga si tiyisisiwa eka mina, nakona mina ndza ha ri eku njobeleni ni wanuna un'wana siku rin'wana, ehansi enambyeni, eka tiva? Kutani a ndzi phasa swihlampfana, nakona Moya wo Kwetsima wu tile eka mina. A ku ri ni... Wanuna loyi i mu Jehovah Witness, a ri yena. Makwerhu wa yena u kona kun'wana kwala, Banks Woods. U kona kun'wani kwala, laha a nga makhelwani wa mina.

¹⁸⁴ Loyi i Lyle. Ni vanhu lava i va Jehovah Witness. Kutani va ri, siku rin'wana loko ha ha njobela ehansi kwalahaya, endzhaku ka loko jaha leri loko ri tava ri hundzukile, ndzi n'wi byerile leswaku ku ni swin'wani evuton'wini bya yena, ni leswi—leswi swi humelelaka, ni hikwaswo ka swona. Laha, sweswi a nga ndzi byela, kutani sweswi u ni swona leswi swi humaka eka vutomi bya yena, sweswo hi swona, hambi ku nga va yini. Hi swona hakunene. Tatana wa yena hi un'wani loyi a—a ri muhlayi. Xana papa va kona madyambu lawa, Billy? [Un'wana a ku, "A hi tivi."—Muhleri.] Kutani yena na nsati wa yena, ha vumbirhi, va khuvuriwile, ku va mbhoni eka Vito ra Yesu Kreste, kwalahawani exidziveni. Kutani wanuna loyi a tshamile eku suhi na mina, siku rin'wana.

¹⁸⁵ Banks, u le kwihixana? Xana u kona kwala madyabulawa? [Un'wani a ku, "U le khoneni endzhaku lahaya."—Muhleri.] Endzhaku ekhoneni. Ina.

¹⁸⁶ Kutani a hi ri eku njoveleni. Kutani, makwerhu, xijahetani xa mina a xi dlayile . . . Ndza ehleketa u dlayile ximanga nyana, masiku nyana endzhaku. Manana yaloye lontsongo wa khale wa ximanga a ri ni ntlawa wa swimangana, kutani a xi rhwala a xi yisa ehenhla a xi tshika. Ndzi ehleketa . . . ndzi ku, "Hosi yi ta xi nyika vutomi xipfuka," ku nga si fika siku lero. A hi swona, Lyle? [Makwerhu Lyle Wood a ku, "Ina."—Muhleri.] Hi tshamile exinambyanini. Kutani ndzi ku, "Sweswo HI LESWI HOSI YI SWIVULAKA." Kutani hi njoverile vusiku hi nkwbabyo kutani hi nga phasi nchumu.

¹⁸⁷ Hi mixo lowu a wu landzela, a hi ri eku njoveleni, endzhaku exinambyanini, bluegill yin'wana. Yaley a yi ri nhlampfi leyintsongo. Kutani Makwerhu Lyle a ri ni rihlanga ro leha, hi loko a tshika nhlampfi leyitvaniwaka bluegill yi dyela yi mita, xinjovo lexikulu lexi a ri na xona, ku kondza, loko a yi humesela ehandle, xihlala nyana a xi ri ehansi, xinjovo lexikulu, xi ri ekhwirini ra bluegill leyintsongo. Kutani loko a tava a yi humesile, ntsena a fanele a humesa leswi swi nga yi haka ni hikwaswo leswi a swi ri eka bluegill leyintsongo, leswaku a va na yona. Hi loko a yi humesela ehandle, hikuva xinjovo lexikulu a xi hakile ekhwirini ra nhlampfi. Kutani loko a tava a swi endlile, u yi cukumeterile ematini. Kutani ntsena u lo rhurhumela, mune kumbe ku ringana ka ntlhanu, kutani sweswo a ku ri swona, hikuva laha a phasiwile kona na tijils a tihumele ehandle ka nomo wa yena. Kutani u papamarile kwalahaya ku ringana kwalomo ka hafu ya awara, a papamala a ya nile swihlahleni.

¹⁸⁸ Kutani a ndzi tshamile kwalahayani, ndzi njovela. Kutani hi xitshuketa, Moya wo Kwetsima wu ta, wu ku, "Vulavula na nhlampfi yaleyo."

¹⁸⁹ Ndzi ku, "Xinhlampfana, Yesu Kreste u ku nyika vutomi nakambe." Kutani nhlampfi nyana yaleyo, a yi pavalarile yi file ematini, kutani yi vumbuluka yi pfuka, yi famba yi ya errrrrrimitswini," endzeni ka mati, hi xihatla hi laha a nga swikotisa xiswona.

¹⁹⁰ Makwerhu Lyle na Makwerhu Woods a va ri kona va tshamile. Makwerhu Lyle a ku, "Makwerhu Branham, sweswo swivula swin'wana eka mina, hikuva ndzi teri eka lexintsongo . . ."

¹⁹¹ [Makwerhu Branham a vulavula na Lyle Wood—Muhleri.] Madyambu lawa, ndzi nga ha va byela leswi u nga swivula? [Makwerhu Lyle Wood a ku, "Hi mpela u nga swi endla. Swikahle, Makwerhu Branham."]

¹⁹² A ku, loko a tava a n'wi hlomurile xinjovo, u n'wi cukumeterile lahaya, a ku, "U baleserile nchumu wa wena lowu u hakaka hi wona, nakulorhi lontsongo," ntsena xisweswo. I yi cukumeta.

A ku, "A—a swivula mina."

Kutani ndzi ku, "Ee, Makwerhu Lyle. Sweswo a swi tano."

¹⁹³ Makwerhu Banks endzhaku lahaya, a ku, "I vanhu vangani emisaveni leyi, i magidi mangani, lava nga tsakelaka ku yima laha hi nga yima kona sweswi, ku vona matimba ya Xikwembu loko ya xika nikuba ma endla swin'wana swo fana ni sweswo!" Hi marito man'wana, u tsakela . . .

¹⁹⁴ Ndza pfumela leswaku hi titwisa leswi Petro a nga titwisa xiswona, "Swi kahle kuva lahawani. A hi akeni titabernakele tinhарhu." Wa vona? Sweswo hi swona.

¹⁹⁵ Sweswi, Makwerhu Lyle, u ni ntoto wa Moya wo Kwetsima sweswi. U sukile eEgipta. Swidan'wana swa galiki ni thyaka ra misava ri siyiwile etlhelo. U yimile eribuweni ra Jordan sweswi, ntsena ku tsemakanyela halahaya. I nga ku Xikwembu xi nga ku teka xi ku yisa emahlweni; Lyle.

¹⁹⁶ Xikwembu xa Matimba hinkwawo, hi lexi xidlodlo xa Wena. U na ntiyiso wa leswaku u le ku lunghiseni loko ku chavisaka, Hosi, kambe mbilu ya mina yi n'wi famberile. Swikhongelo swa hina ntsena swi ba ku ba loku ku nga rhurhumelaka kwalahaya, kutani nchumu wun've lowu a wu n'wi khomile wu fambile eka yena. Wu biwile. Kutani sweswi u enhlela eJordan. [Makwerhu Lyle Wood a ku, "Ndza ku khensa, Yesu."—Muhleri.] N'wi teki u n'wi yisa eTikweni ra xitshembhiso, Hosi. ["Ina, Hosi"] Kutani u n'wi mfungha exikarhi ka vanhu. ["Ina, Hosi."] Leswaku, hi Siku lero ro kwetsima leri hi nga ta hlangana halahaya, ndzi nga ha twa ku vukarhiwa hi mavoko ya yena, a huwelela, "Makwerhu wa mina wo hlawuleka!" ["Amen."] "Ndza n'wi tiva." Tisa Banks xikan'we na yena, Hosi, xana U ta swi endla; papa na mhani, ni hinkwavo ka vona, sesi, ni ndyangu wolowo wa kahle hinkwawo? Leswaku hi nga ha hlangana halahaya, Hosi, kutani un'wana na un'wana wa vona a nga ha tatiwa hi Moya wo Kwetsima. Ndza khongela hi Vito ra Yesu. Amen. ["Amen."]

U ta Wu amukela, makwerhu. Xikwembu a xi ku katekisi, Makwerhu Lyle.

¹⁹⁷ [Un'wana a ku, "Makwerhu?"—Muhleri.] Ina, makwerhu. ["Ku ni riqingho ro huma empfhukeni wo leha, ni rifu, swi rindzeleke elayinini."]

¹⁹⁸ Ku ni un'wani afaka, eka riqingho ra mpfhuka wo leha. Kutani ndzi ta ncinka xikhongelo xi ya eka Makwerhu Neville loko ha hari kwalahaya.

¹⁹⁹ [Makwerhu Neville a ku, "Siku ro saseka ra kahle eHosini! Xikwembu xi hi endlerile swilo swa kahle namutlha. Leswi a ndzi swi ehleketelela swi humelerile hi ku hetiseka."]

[A hi yimeni kun'we, hi milenge ya hina.]

²⁰⁰ [Mi tsundzuka xikhongelo, xa madyambu ya Ravunharhu. Mi ya khongela swinene. Hikwaswo leswi nga tsakiseki, timbilu leti ti nga twisisekiki a ti ti hlanganisi swinene na Xikwembu. 'Nkarhi wu fikile. Sweswi i nkarhi. Namutlha i siku ra ku ponisiwa.]

²⁰¹ [Xikwembu a xi katekisi un'wana na u'wana wa n'wina vayeni, n'wina vanhu lava humaka ekule. Xikhongelo xa hina i ku, leswaku, Xikwembu xi ta mi nyika tintswalo erendzweni ra n'wina, loko mi tlhelela etindzhawini leti mi tshamaka eka tona. Swi kahle kuva hi vile na n'wina. Kutani mi hi khongelela loko ma ha famba, leswaku Hosi yi katekisa ndhawu leyi, na yona.]

²⁰² [Tatana wa hina wa le Matilweni, tani hi laha nandza wa Wena a nga fika madyambu lawa, ku ta tirha ntirho wa hofisi ya nandza wa Wena ni muprofeta, loyi a yimeke exikarhi, ka vangwa, a endlaka rihlampfu, a taka eka hina hi mahlomulo lawa ya hisaka ya nandza wa Wena, tani hi laha a khuvuriweke hi Moya wo Kwetsima, kutani a nyikiwa hofisi ya muprofeta, ku ta vulavula ni rixaka leri. Hi pfuni ehlikanini lowu nile kamadyambu lawa, ku amukela Hungu leri ri taka eka hina, Hosi, ku khongotela, leswaku ku lulamisa.]

²⁰³ [Katekisa un'wana na u'wana loyi a yaka enyangweni wa muako madyambu lawa. Leswaku vuvabyi lebyi nga eka hina, lebyi hi nga tiveki nchumu ha byona, U nga ha katekisa ni tintswalo ni matimba yo hlayisa ni ku sirhelela niku hi hanyisa, ni ku hi hlayisa, ku kondza ku fika nkarhi lowu U nga tilulamisela ku hi hundzisela eka tlheloh lerin'wana. Katekisa hikwavo lava helaka timbilu ni lava xanisekaka, lava chavaka, ni lava vatsaneke.]

²⁰⁴ [Xikwembu, ha khongela emadyambyini lawa hikwalaho ka vu endzeri bya nkoka, hi nkateko wa Moya wo Kwetsima, ku wisela evehleni ka muendzi un'wana na un'wana, muendzeri un'wani na un'wana, muluveri un'wana na un'wana etigedeni ta hina. Un'wana ni un'wana loyi a nga ta huma hi nyangwa madyambu lawa, leswaku nguvu yaleyo yi nga funengeta ya Ngati, kusuka exihambanweni xa ku Vambiwa, xifunengeto lexi eneleke ni ku nyika.]

²⁰⁵ [Hi hanyisi loko hi vabya. Hi hlayisi hi matimba ya Wena lawakulu. Hi toti eka xikhongelo. Hi pfumeleli hi famba erirhandzwini, emahlweni ka Wena, masiku hinkwawo ya ku hanya ka hina. Kutani hi ta Ku dzunisa ha swona, ha swi kombela hi Vito ra Yesu Krestse ni hikwalaho ka Yena. Amen.]

²⁰⁶ [“Kutani Xikwembu a xi mikatekisi. Nakona hi tsakile kuva hivile na n’wina. Tlhavulanani un’wana na un’wani.”—Muhleri.]

²⁰⁷ [Makwerhu Branham a tlhelela eka platifomo loko nhlengeletano ya ha tlhavulana mavoko ni ku xewetana loko haha famba.—Muhleri.]

²⁰⁸ [Makwerhu Branham a vulavula na un’wana—Muhleri.] Hakunene ndza amukela hinkwaswo leswi mi nga ni endlela swona, khadi na . . . ? . . . Ina, nkulukumba. Ndza swi amukela hakunene . . . ? . . .

²⁰⁹ [Makwerhu Branham a vulavula na Makwerhu Neville—Muhleri.] Swingaleswi hi rhumela ribye ra ripfumelo . . . ? . . . A kuri ni wanuna a huma kwala kusuhi . . . ? . . . Swingaleswi ndzi n’wi rhumela xikhongelo, hi Vito ra Yesu Kreste. A pavalarile lahaya ku ringana awara, ku nga ri ni ku ba ka mbilu, ku nga ri na ku hefemula, ku ri hava nchumu. A ku na ku hefemula, a ku na ku ba ka mbilu, kumbe ku hefemula, a ku na nchumu; mahlo ya titshamerile enhlokweni ya yena, a wa ephulphitini. [Makwerhu Neville a ku, “U n’wi tshikile a tipavalarile kwalahaya ku kondza xikhongelo xi nghena.”]

²¹⁰ *Lahawani* ka ha pfulekile xana? [Makwerhu Neville a ku, “Ina, ka ha pfulekile,” a kombeta leswaku makhrofoni ya ha tirha—Muhleri.]

²¹¹ Xana mi nga ndzi yingisela? Kwale ehenhla, mu evhangeli lontsongo, muchumayeri, kwalahawani eIndiana, a ri eku chumayeleni, u wile a fa ephulphitini, kwalomu ka awara leyi hundzeke. Loko a ha chumayela, a wa hi mombo, a fela ephulphitini, muevhangeli loyi a nga hlamusetiwa, u chumayerile lahawani eIndiana. Mufundhisu u tile a ta ni vitana. U file a ha chumayela ehansi ka ntoto wa Moya, a wa hi mombo, mahlo ya yena ya pfaleka, ku hefemula ku n’wi siya. U tivisiwile leswaku u file, a etele a file ku ringana kwalomo ka awara. Kutani swin’wani swi va byerile ku vitana kereke nikuva va ndzi vitana leswaku ndzi ta khongeleta. Kutani ndzi rhumerile xikhongelo xo n’wi vuyisela endzhaku, hi Vito ra Hosi Yesu. Xana mi nga ndzi joyina hi ripfumelo, leri nga tako ri nga lahlekeriwi hi xikongomelo; leri nga ta n’wi wisisa ri tlhela ri n’wi vuyisa. Ndza khensa.

²¹² Xikwembu a xi ve na n’wina, ku kondza ndzi mi vona hi Ravunharhu ni madyambu. N’wina vanhu lava mi humaka eGeorgia ni kwala kusuhi, salani kahle. Xikwembu a xi ve na n’wina.

²¹³ [Makwerhu Branham a sukela makhrofone a vulavula ni van’wani, kambe ku burisana ka vona a ku nga twakali—Muhleri.]



KU HLAYISIWA

Hungu leri hi Makwerhu William Marrion Branham ri sungule ri chumayeriwa hi Xinghezi eBranham Tabernakel eJeffersonville, Indiana, U.S.A., ri susiwile eka thepi yo kandziyisa ya maginetiki ri tsariwa ri nga khomananga hi Xinghezi. Hundzuluxo lowu wa Xitsonga wu tsariwile wu tlhela wu hangalasiwa hi Voice Of God Recordings.

TSONGA

©2009 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org